



G 5 U R



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2009/A/2



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2009/A/2



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2009/A/2



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2009/A/2



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2009/A/2

GE  
AG

AB ACC  
recogni  
D

CVI

II

ANNO MDCCLXVII  
LILY JX. A. E.

61  
31

GEORGII  
AGRICOLAE MEDICI  
BERMANNVS, SIVE  
DE RE METAL  
LICA.

AB ACCVRATA AVTORIS  
recognitione & emendatione  
nunc primum editus.

CVM NOMENCLATVRA  
RERVM METALLI  
CARVM.

LIPSIAE  
IN OFFICINA VALEN  
TINI PAPAE.  
ANNO  
M. D. XLVI.



DES  
ROT



genuis  
huius  
quidam  
dicitur  
mobi  
nisi  
non  
leges  
tum  
eiusmodi  
differat  
inprobis  
quicquid  
falsa  
et  
simili  
screverat  
laetatur

**D E S . E R A S M V S**

ROT. ORNATISSIMIS FRA=

tribus Andreæ & Christo-

phoro a Conritz

S. D.



VOLVI clariſſimi iuuenes pro-  
pemodū & πνευſi ſed tamen haud  
ocſitanter Georgij dialogum de  
metallicis. Nec ſatis poſſum dicere,  
maiore ne id uoluptate fecerim an  
fructu. Magnopere delectauit ar-  
gumenti nouitas, exhilararunt ioci liberales obiter in-  
ſpersi, nec iniucunda fuit dictioſi ſimplicitas, atticum  
quiddam referens, præcipue uero me attentum ha-  
buit rerum ſub oculos expositarū enargia. Viſus ſum  
mihi ualles illas & colles, & fodinas & machinas  
non legere, ſed ſpectare. Nec multum abfuit, quin ex  
tot uenis argentiarijs & aurarijs conceperim aliquā  
eiusmodi rerum cupiditatem. Utinam animis eo stu-  
dio feramur in cœlum quo ſcrutamur terrā, non quod  
improbem hanc induſtriam, nobis enim terra gignit  
quicquid gignit, ſed quod hæ uenæ quantumuis fœ-  
cundæ, beatum hominem adeo facere non poſſunt, ut  
non paucos operæ & impendij paenituerit, ſola diui-  
narum litterarum uena uerè locupletet hominem. Fe-  
liciter prælusit Georgius noſter, nec ab illo ingenio  
quicquam expectamus mediocre. Ad rem medicam re-  
ſtituendam iuuenes aliquot accinctos uideo, in quibus  
eft Simon Ricuinus, cui præter eruditionem haud uul-  
garem ad eft ſumma morum ingenijq; dexteritas, &  
Ioachimus Martianus Gandaus, cuius ingenium, ex-

A 2 actum

2 E P I S T O L A

actum quiddam & excussum polliceri uidetur. Nec minus spei ostendunt nobis hæc Georgij προσυμναστα. Quare nec me pœnitet huius operæ, nec dubito quin Hieronymus Frobenius sit in gratiam uestram, tum studiorum, libenter excusurus. Bene ualete. Friburgi, XII. cal. Martij. M. D. XXIX.

*NOBILI ET CLA  
RISSIMO VIRO HENRICO A  
Conritz Praefecto uallis Ioachinicæ,  
Petrus Plateanus S.*



ON alij me hercle uir clarissime  
melius de genere mortalium mihi  
mereri uidentur, quam illi, qui uel  
arteis, uel naturæ arcana, per se  
alijsq; inuenta, literis ad posteri-  
tatem transmittunt. Etsi enim ho-  
mines ui quadā rationis, cognitionis & scientiæ præ-  
diti sumus, quibus & mutis bestijs maximè præsta-  
mus, & uirtutum ac uariarum artium disciplinarum-  
que non capaces modo, sed inuentores etiam esse pos-  
sumus, atq; adeò ad abstrusissima quæq; naturæ pen-  
trare, angusta tamen admodum sit, necesse est, cuius-  
cunq; uel solertiissimi hominis cognitio, si intra uitæ  
humanæ terminos, quæ breuissima est, arctabitur, ne  
que plura quisq; sciet, quam ipse inuenierit. Quo fit,  
ut iure indignemur, nonnullis superiorum seculorum  
homini-

## N V N C V P A T O R I A. 3

hominibus, qui tot summorum doctissimorumq; uiorum maximo labore inuenta, & literis mandata, ignavia & socordia sua, nescio an perdidenterint, certe peri-  
re sunt pauci. Id cum ita sit, nobis porrò cauendum cen-  
seo, ne in idem quod istis obijcimus crimen, apud po-  
steros & nos incidamus. Non seculo nostro ingenia,  
non ingeniiorum uberrimi fructus, aut defuerunt, aut  
desunt. Fieri uero plerunq; solet, ut homines docti in-  
genij sui monumenta non euulgent, adducti partim ue-  
recundia, quæ in animis liberalibus maximè inesse so-  
let, partim metu, ut qui clarè intelligant, quanto cum  
periculo quis orbis terrarum in se iudicia prouocet.  
Id uero, siue pudor siue metus in causa sit, cum ab ho-  
nesto proficiscatur, ut in illis quoquo modo ferendum,  
ita cuiq; nostrum prouidendum puto, si quid illorum  
in nos forte, quo iuuari publica studia possint, incide-  
rit, ne non tam eiusmodi uirorum existimationi, quæ  
apud æquos lectors satis erit tuta, consuluisse, quam  
inuidisse commodis generis humani uideamur. Cum  
itaq; Georgium Agricolam medicum, uirum supra re-  
liquam eruditionem, utraq; lingua doctissimum, fama  
liariter & penè quotidie adirem, ac hominis etiam se-  
cretiora studia cognoscere, uenit fortè inter cæte-  
ra in manus farrago quædam librorum, quos de rebus  
metallicis ille instituit, Deum immortalem, quæ ibi ho-  
minis diligentia, qui labor, quam acre extabat iudi-  
cium. Quicquid omnes tum ueteres, tum recentiores  
Græci Latiniq; scriptores, de metallis scriptum reli-  
querunt, quod quidem ex tanta librorum clade reli-  
quum factum est, hic unus accuratissimè discutit, et  
cum eis quæ in Germaniæ fodinis, nominatis autem

## 4 EPISTOLA

In hac ualle uideri possunt, diligenter expendit. Non pauca præstantissimis olim medicis in maximo medendi usu habita, ex altissimis tenebris, uel ut uerius dicam, ex ipsis inferis quo demersa erant, reuocauit in lucem. Sed eorum librorum materia, quod sparsa ad huc et incompacta iaceret, nihil ex ipsis attingere ut ederetur, sum ausus, præsertim ipso pollicente Agricola, se non fraudaturum olim studiosos fructu eorumdem. Interim ex meo in literas, literatosq; officio facturum me existimauit, si dialogum quem idem de eadem re conscripsit, legendum doctis hominibus edidero. Quia in re, ut confido me ab optimo quoque magnam gratiam initurum, ita ne ipsum quidem Agricola mihi succensurum spero: qui scilicet compertum habeat et studium et uoluntatem meam in se, et ad huius libelli editionem non alio me consilio, quam publica studia iuuandi, descendisse: quem licet ipse leuiore opera, et cum animum remittere uolebat, non in hoc ut ederetur, luserit uerius quam scripserit, tamen talem eum esse, ut non parum frugis ex eo ad studiosos redire possit, omnesque qui rerum aestimatores iudicabunt. Hunc igitur qualiscunq; est, uir strenue, sub tui, et clarissimi doctissimiq; filij tui Andreæ nominis titulo, emittere est uisum: tum quod huic ualli, qui locus gloria rei metallicæ nulli secundus est, tot annos multa cum laude sis præfectus: tum quod studia liberalia tanti facias, ut liberos tuos etiam in Italiâ, aliâq; remota hinc terrarum loca erudiendos optimis doctissimisque præceptoribus miseris, non contentus maiorum imaginibus illos esse ornatos, nisi et doctrina nobilitentur. Præclarè sanè ageretur cum rebus humanis,

## NVNCUPATORIA.

5

humanis, si hæc mens uiris omnibus qui in magistratu sunt constituti, à Deo opt. Max. esset data, non ut ho die uidemus fieri, contemui & ludibrio paßim habe rentur optimæ disciplinæ. Non tēterrī quidam ne bulones, sola audacia & temeritate prædicti, præmid quæ bonis & doctis uiris decreta oportuit, præripe rent. Nolo iusto licet dolori, intempestiuè nunc indul gere longius. Bene faciunt illustriſimi Comites noſtri, bene faciſtu & Senatus prudentiſimus, quod Agricolæ ſuper cuius laudibus nunc mihi ſilendum puto, ſuus hic honor habetur. Celebris eſt h̄ic locus copia metallorum, ſed quanto olim celebrior in omne cœum huius monumentis eſt futurus? Habet ut cætera taceam in manibus de re metallica libros, quorum & ante mentionem feci, habet caſtigationes Græcas in libros principum medicorum Hippocratis et Galeni, ex uetusſiſmis libris maximo labore uigilijsq; collec tas, quibus argumentis, quæſo quod aliud uel utilius uel magis etiam neceſſarium fuſcipere pro ſua profef ſione potuifſet? Tu interim nobiliſſine uir cum tuis, hunc libellum, quo ille in ea quæ aliquando ſeria ope ra eſt æditurus, prælufit, boni atq; æqui consulas uelim, Valc.



A 4

Georgij

# GEORGII

AGRICOLAE BERMAN-

nus, siue de re metallica.



Vm sc̄e numero mecum ipse  
reputo res, quas uel natura  
fabricata est, uel ars effecit:  
atq; nomina, quæ quondam  
ijſdem posuerunt Græci aut  
Latini, animaduerto utraq;  
seculis aliquot fecisse maxi-  
mum damnum. Illas quod par-  
tim in magno silentio iacuerint, partim non fuerint sa-  
tis explicatae: hæc quod pro Græcis aut Latinis bare-  
bara, pro ueteribus noua, pro usitatis inusitata fue-  
rint substituta. Quorum alterum magnam studio sa-  
pientiae & medendi scientiae cladem attulit: alterum  
crassas obduxit tenebras reliquis etiā bonis artibus.  
Iamq; communis omnium interitus appropinquabat,  
nisi diuina illa prouidentia earum saluti succurreret.  
quæ, quoniam omnia regit & tuetur, optimi cuiusq;  
hominis animum ad hoc studium excitauit, ut omnes  
industriæ neruos in eo contenderet, ne ingenuæ artes  
aut occiderent, aut laterent in diuturna obscuritate.  
Itaq; superioribus temporibus alius aliam artem ab  
immani clade vindicare cœpit: alius aliam ex tetricis i-  
stis tenebris in lucem uocare. quod ipsum quibusdam  
bene & prospere processit. Iam enim non modo lin-  
guæ Latinæ, ut de Græca taceam, puritas in Italia  
maxime floret, sed exteræ etiam nationes non paucæ  
eam amplectuntur. Breuiq; nisi quid aduersi, quod  
Deus

GEOR. AGRIC. BERMAN. 7

Deus prohibeat, acciderit: eloquentia ipsa uires suas quoquo modo recuperare potest. At uero rerum cognitio, quæ latissimè patet, imò omnia, quæ sensibus & animo possunt percipi, comprehendit, ex magna parte adhuc negligitur. Nam, ut alia quamplurima omittam, permulta sanè in singulis animantium generibus, in natis è terra stirpibus, in his quæ terra ipsa intra se gignit, nobis planè abstrusa sunt & incognita. Aut si ea cognoscimus, & non raro uel manibus tractamus, quibus tamen nominibus apud ueteres appellata fuerint, omnino nescimus. Ex quo illud consequitur, ut his ipsis, ad usum nostrum procreatibus, non utamur. Cum enim multa de natura & uiribus, quæ eiusmodi in rebus insunt, à ueteribus, in primis Graecis, diligentissimè scripta sint: quæ longus earum usus docuit, ratio approbabuit: nōnne ea omnia longè purius de ipsis, tanquam de fontibus, haurire nobis licet? si modo nomina uetera & incorrupta nos non laterent, aut his cognitis res, quæ ipsis significantur, nobis ignotæ non essent? Atq; ne longius ab eo, quod institui, recedam, Quis, quæso, nescit quām utilia medicinæ præsertim eius parti, quæ manu medetur, fuerint metallica? (Sic uero appellamus ea quæ uel metal la ipsa sunt, uel iuxta metalla reperiuntur, uel dum in fornacibus illa excoquuntur sunt, uel aliquo alio modo ex eisdem confici possunt) nemo certet, qui modo Galeni summi illius medici & Dioscoridis libros inspecterit. At quis hodie Molybdænam, Pyriten, Chalcida, Myisti, Sory, Pompholyga, Spodium, Diphryges, atq; recrementa quædam metallorum, & alia multa nobis indicare potest? præter Stibi enim, Lithargy-

A 5

rum,

S GEOR. AGRICOLAE

rum, Arsenicum, Cerussam, atq; pauca quædam alia, nihil hodie neq; officinæ, in quibus cuiusq; generis medicamenta conficiuntur, habent, neq; medici norunt, uera liceat dicere. Pudeat nos eas uoces toties legere, toties in ore habere, & res, quas significant, non noscere. Si nemo satis & quo animo ferre posset nautam, qui sæpius de securitate triremium narraret, cum uero interrogatus quod nauigij genus esset, dicere, quia id ipsum non cognosceret, non posset, maximè si triremes in eo ipso mari, q; nauigare soleret, minimè de essent, Quo tandem animo medicus ferendus erit, qui crebrò de usu & uiribus medicinarum, quas penitus ignorat, differit? cum ipsi licet eas adhibita arte & diligentia, quibus hac parte opus est, interdum etiam in ea, in qua habitat regione, inuenire? Profectò nostra inscitia & negligentia fit ut multæ res lateant, multis non utamur, multæ prorsus intereant. Quid uero mirum si ulcera quædam, quæ alioqui fortè curarentur, non sanamus, quum pauca admodum emplastrata, præsertim ex metallicis composita, quibus ueteres summa cum hominum utilitate, et maxima sua laude usi sunt, integra cōficere possumus. Quæ sane præcipua fuit cauſa, quam ob rem me ad loca, quæ metallicis abundant, contulerim. Quantum uero ibi conse-  
quutus sim, alijs iudicandum relinquo, studium certe mihi non defuisse complures testes esse possunt, in pri-  
mis Bartholomeus Bacchus, & Laurentius Bermanus uiri non minus literarum, quam rei metallicæ periti. Quos etiam præter alios sæpius interrogando, antequam metalla cognoscerem, defatigau. Cum au-  
tem mibi tum à pœdendi officio, tum à grauioribus stu-  
dijs im-

## BERMANNVS.

9

dijs interdum uacare liceat, ob multas cauſas uifum  
est sermonem, quem accepi doctiſſimos uiros de metal-  
lis nuper habuisse, exponere. Primum ut futuri ope-  
ris, quod de ijsdem, literis conſignauit, gustum quen-  
dam ſtudioſis darem. Deinde ut noſtræ ætatis homi-  
nes, ut ipſe nihil egregij feciſſe uidear, ad res diligen-  
tius inquirendas instigarem. Quæ niſi ipſæ, utpote  
quibus uires iſſunt, nobis notæ fuerint, abſq; ullo fru-  
ſtu uerba ſermone terimus. Poſtremò ut quæ in Ger-  
mania noſtra, ueteribus, quod ſciam, incognita, in me-  
tallis reperiuntur, ea pro uiribus in lucem proferre.  
Si enim Græci, gens doctiſſima omnium, non ſua ſo-  
lum, ſed etiam extera, memoriae tradiderunt, turpe  
nobis fit res noſtræ per ſocordiam & ignauiam no-  
ſtram etiam nunc tenebris obrutas eſſe & luce ſua ca-  
rere. Tribuimus uero Bermanno metallici personam.  
Nam huius artis peritiſſimus eſt, quippe qui miles o-  
lim multas regiones peragravit, in quibus res metalli-  
cas, non ſecus ac Dioscorides herbas, dum ſub signis  
Romanis militaret, obſeruauit. Cum quo diſputant  
duo doctiſſimi & clariſſimi medici, Nicolaus Ancon,  
& Ioannes Næuius. Quorum alter in medicina, quam  
nos docent Arabas ſecuti, non indiligerter uersatus  
eſt, & doctus præterea ex diſciplina peripatetico-  
rum. Næuius autem, tum literis Latinis & Græcis,  
tum maximè ueteri illa medicina eruditus. Cuius uiri  
nobile ingenium & ſtudium ſingulare cum in Italia  
una operam daremus medicis mihi planè ſunt perſpe-  
cta. Itaque hi cum in foro uallis noſtræ ſtarent, &  
Ancon Bermānum accedere uideret, ita exorsus eſt.  
AN. Bermannum, ni fallor, uideo hominem doctum

&amp; uex-

Et ueterem amicum. NAE. Quibus studijs deditus  
 est? AN. In primis disciplinis: numerat, metitur, ca-  
 nit, cursus astrorum tenet. NAE. Quid audio? AN.  
 Rei etiam metallicæ intelligentia præstat. NAE. Sed  
 ingreditur ueluti miles. AN. Recte, diu enim, ut ple-  
 riq; nostri solent, meruit stipendia in bello. Tace, sa-  
 lutabo ipsum. Salve Bermanne. BER. Saluistis, quid  
 est cur tot medicos conspicio? estne aliquis ægrotus?  
 AN. Fuit. BER. Infelix uerbum apud poëtam, Fui  
 mus Troës, fuit Ilium. Sed quis, obsecro, fuit tandem?  
 AN. Dicam non sine magno dolore. Henricus Slico,  
 qui secundum Stephanum fratrem, quem fortiter pu-  
 gnando contra Turcas, unà cum Ludouico Panno-  
 niæ rege ab hinc ferè biennio perijisse nosti, Et Chri-  
 stophorum qui Romæ inter imperatoris milites peste  
 decepsit, decus fuit totius familiæ. BER. Misera pror-  
 sus mortalium conditio, qui nuper apud Pannonas  
 fortì Et inuicto animo cum hoste cominus in acie pu-  
 gnauit, iam domi inter suos à morbo deuictus cadit.  
 Virum certe tibi amicissimum amisisti. AN. Vera di-  
 cis, Et quoties in eius memoriam incurro, toties uim  
 lacrymarum profundo, non tam quod bene uoluerit  
 mihi Et tali amico orbatus sim, quamuis Et hoc me  
 non parum moueat, quām quod à suis omnibus repen-  
 tino abreptus sit. NAE. Pius quidem dolor iste quo  
 affici te uideo, Et iustæ lacrymæ, quas ob clarissimi  
 uiri mortem effundis. Sed quia ea ratione natura nos  
 omnes coagentauit, ut rursum possit dissoluere, eo  
 æquiore animo mors toleranda erit, quo cunque tan-  
 dem cursu ætatis homini acciderit, quod eam aliquan-  
 do accidere omnino neceſſe fuit. BER. Recte Næ-  
 uius di-

uius dicit: tu uero tene lacrymas, quibus nihil profici potest, et quae philosophum satis non decent: ut uero id facilius fiat de alijs colloquemur. Sed quorsum sit Colomannus? AN. Ad metallicos qui eum apud anicum quendam expectant, forte symbola daturus, uel partes fodinarum emturus. BER. Amare ne ergo ipse fodinas coepit? AN. Maximè, multis enim iam annis in eorum numero est, de quibus Demetrius Phalereus uerissime mihi uidetur scripsisse. Quae receperunt, non ceperunt: quae uero habuerunt, abiecerunt.

BER. Non intelligo ænigma. AN. Non metallici quos eruunt lapides, eos, quia nullum utilitatis fructu præbent, non accipiunt, sed projiciunt. quas uero habent pecunias, eas, quæ impendunt in fossores et strueturas subterraneas, quodammodo abijciunt. BER. Ne dicas uerissime hæc de metallicis scripta. nam et si de nonnullis dici possint, quis uero fodinas nihil unquam recepturi conferunt: non pauci tamen contraria reperiuntur qui minimis impensis ad maximas pecunias uenient. Nonne hominum memoria Moncero ad ducenta milia aurorum fodinæ dederunt? nonne totidem fere Romano? Atque, ut omittam Polneros, Federanglios, Ippouios, Tomesernos, Phloccios et alios complures, quos omnes cum nihil, aut parum ad modum haberent, fodinæ beatos fecerunt, Georgium Storciu nostri? AN. Noui medicum egregie doctum, nec non metallicæ artis gnarum. BER. Is est que mandicere uolebam: pater ipsius multa milia nummum in fodinis argentarijs consequutus est. AN. Audiui. BER. Atque huius filiam, illius sororem Colomanus uxorem habuit: qua ex re splendidæ illius fortunæ particeps

Demetrus:  
phalereus

particeps factus est. AN. Non mirum ergo si ipse fodinas amat: ego adamarem si tantas mihi diuitias largirentur, quantas uel ipsi Storcio olim Annebergum, uel nuper hic Suicero, homini Rhenano, uena cui Stella nomen est. NAE. Cedo quot milia argenteorum nummum, qui hic cuduntur, quorūque singuli aureum Rhenanum ualent, accepit? AN. Certius Bermannus dicet. BER. Plus quadraginta. NAE. Quid autem uena, argenti feraxne adhuc est? BER. Maximè. NAE. Vbi nam ea est? BER. Non longe hinc in superiori montis huius planicie. NAE. Rogo te quām maximè Ancon hunc ores ut nobiscum ascerdat, & uenam, quæ tantam uim diuinarum effundit, nobis monstrat. AN. Bermanne, si tibi per negotia licet, per amicitiam nostram te etiam atq; etiam oro, ut cum mei, qui & ipse uidere percupio, tum præser-tim Næuij gratia id facias: hac enim ratione nouam illius amicitiam conciliare tibi licebit, & ueterem nostram confirmare. BER. Quamuis negotia multa et magna mihi sint, his tamen omnibus prætermis-uestræ morē geram uoluntati. AN. Quid id ipsum quod uolumus à te impetramus, nullam moram interponendam puto, quin statim ad uenæ istius fodinas ascenda-mus. BER. Ascendamus: ab omni enim mora tempori breuitate excludimus, inclinato iam in postmeridianum tempus die: certe nisi dies hoc anni tempore esset apud nos longior, nihil efficere nos crederē posse. NAE. Festinandum igitur nobis puto. BER. Hos montes qui cingunt Boëmiam, nisi memoria me fallit, Sudetas appellat Ptolemæus. NAE. Haud te fallit, opinor. Boëmia enim ipsa undiq; montibus syuistro-

bus se-

bus septa & vallata est: quorum altiores qui partim eam circundant, partim longe in cius interiora pertinent, ac regionem ipsam ferè intersecant: partim extra eam etiam meridiem uersus sed longius & occidentem excurrunt, Sudetas appellari tecum sentio.  
BER. Itaq; hi cum reliquorum metallorum omnium, tum maximè argenti feraces sunt. Fodinas enim eius generis metalli celeberrimas quasque in ipsis esse constat. Atq; adeo Fribergum in pede pene istorum montium, qua parte ad Misenam spectant, situm est. An nebergum item & Gairum, quæ inter Fribergum & uallem sunt interiecta. Sneebergum uero ad Muldam flumen, ubi ijdem in occidentem uergunt. Atq; in metallicos omnes, qui ea loca incolunt, antiqua & nobilis ducum Saxonie familia dominatur. Vallis autem hæc intra ipsos montes est, & in eisdem uersus Muriam, Igla & Cottenhambergum: uersus Silesiam Reichensteinum, Aldebergum, Cuperbergum, Goldenbergum. Hactenus loca quæ argenti metallis abundant, uno atq; altero excepto, recensui. Iam in ijsdem montibus sunt non paucæ plumbi candidi fodinæ, è quibus olim multum floruerunt Aldebergum, Irberesdorfum & Graupum: nunc floret Slacchebaldum, quod à nostra ualle non amplius duodecim milia passuum abest. Totidem ferè Pleistadium, in quo loco plumbum nigrum effoditur, unde & nomen reperit. Fodinæ autem ferrarie innumeræ, quas præterire nihil uisum est. At aeris metallis & plumbi nigri Melibokus mons magis abundat, in quo sunt Eislebe, Mansfeldum, Hostede, in quibus multum aeris conficitur. Est in eodem Goslaria, ubi tantum Galenæ & Pyritarum

*cor: Tant*

ritarum ex quibus plumbum nigrum excoquitur, inuenitur, ut mons quidam ferè nihil nisi Galena et pyritæ esse uideatur. Argenti uero uiui magna admodum copia reperitur Schonbachij, quod ipsum quoque in Boëmicis montibus situm est. NAE. Cornelius Tacitus qui de Germania quām potuit homo Latinus id temporis diligentissimè scripsit, ita ait: Argentum et aurum propitijs an irati dij negauerint dubito. Ex quibus uerbis perspicue intelligi potest, nullas eorundem metallorum fodinas olim in Germania extitisse. Adiecit tamen id quod uirum prudentem de re incerta et dubia dicere decuit. Nec tamen affirmauerim nullam Germanicæ uenam argentum aurumque gignere, quis enim scrutatus est? BER. At hodie plurimi scrutantur et reuera inueniunt Germaniam præ cæteris regionibus metallis abundare. AN. Nota res est. Sed potesne dicere quando primum fodinæ apud nostros cœperint? BER. Dicam ea quæ scio. Ferrarie fodinæ omnium primæ fuerunt, quas coluere Gothini, qui Gallica lingua usi sunt, ut idem Tacitus scribit. NAE. Recte dicas, nam de uetustioribus nihil scriptum est: nisi fortè uerum fuit quod Plinius tempore, ferebatur æris fodinas in Germania repertas. BER. Post Ferrarias Goselarie fuerūt plumbi nigri, quæ, et si nobis incertum est, quo anno cœperint, tamen sub Othono magno imperatore, ut annales loquuntur, primum fodiebantur, id est, annos circiter ducentos et uiginti ante Fribergum, quod est in Misena, cuius fodinæ celeberrimæ anno ab hinc trigesimo septuagesimo tertio casu quodam coli cœperunt. Cum autem argento maxime abundarent, et ob eam ipsam

psam cauſsam plures undiq; qui rei metallicæ operam darent, congregarentur, quaſi coloniæ quædam ad loca uicina, licet non iſdem temporibus, deductæ ſunt, ē quibus nobiliores & quæ hodie etiam florent Irberesdorfum, Gairum, Aldebergum. Trapenaurū uerò & Mocchenbergum uetus as obliuione fermè obruit. Sed & Igla ipſa Fribergum ſubſecuta eſt, quantum ex legibus potest colligi, quas ab illis ſe ſum iſſe aperte fatentur. Post Iglam Cottenhambergum fodit. Sneebergum autem abhinc annos duo de ſexaginta. Annebergum ſeptem & triginta. Nuper uerò hæc uallis noſtra non minus reliquias argento abundans, & uiris metallicis referta, à quibus proſeminati quaſi ſunt hi qui fodunt Pleiſtadium, Cinſtadium, Biſetalum. AN. Pergrata hæc temporum notatio fuit: uerum nūmium festinamus, ſuſtiamus parum atq; deſpiciamus ipſam uallem. N A E. Deum immortalem quot & quanta cœdificia, quæ tum uallem tegunt, tū ita montibus ex utraque ipſius parte hærent, ut alterum alteri incumbere uideatur: aliquam ex magnis urbibus noſtris Erphurdium puto uel Pragam pene uidere mihi uideor, aut quantas Italia habet Bononiā & Patauium: & audio, quod magis mirum, per paucos eſſe annos ex quo fodinæ hic cultæ ſunt. B E R. Annus eſt duodecimus cum una modo caſa eſſet iuxta ueterem puteum frē collapſum: per id temporis in Thermis Caroli quarti imperatoris erant ALEXANDER comes Leſniuſ uir strenuus & qui per ſæpe Turcis terroriſtuit, Wolfgangus Schonbergius Baſro non minus prudentia quam genere & diuicijs clarus, Stephanus Slico qui in bello contra Turcas infe-

B

liciter

liciter gesto, ut scitis, fortiter occumbere potiusquam  
turpiter fugere maluit, et praeter hos est Tomisernis  
quidam, qui fatis ita uolentibus consilium de ueteri  
puteo instaurando inceperunt, quod ipsum cum collatis  
pecunijs, agere cœpissent, non longo tempore post  
fossores uenam argenti diuitem inueniunt: ea res ui-  
cinos commouet, maxima undique confluit turba metal-  
licorum, quorum pars uirgula diuina uenias querit,  
pars coniectura quadam artificiosa, atque fossas agunt:  
uix puteus quibusdam in locis fodi cœptus est, cum  
sub summo quasi cespite argentum inueniunt: ut in  
Turcarum monte, quem est regione conspicitis, euenerit:  
et in altera parte huius montis, quem à Scottis nostri  
appellarunt: quod sane multò etiam plures hoc tra-  
xit, ut sumus omnes ferè homines pecuniarum audi-  
eremus sumitibus ac labore quam minimo diuites fie-  
ri cupimus: qua de re tot domus extrectae, tot putei  
effossi, tot cuniculi in montes sunt acti. NAE. Mira-  
nras. BER. Quos nunc montes arboribus spolia-  
tos cernitis, in his densissima silua erat: et ualles quas  
iam tot milia hominum habitant, latibula erant fera-  
rum. AN. Ut modo unum est montibus Turcicum, al-  
terum Scoticum nominabas, ita ne et reliquis sua sunt  
nomina? BER. Maximè qui est est regione huius, qui-  
que in longum sine interiecta ualle in meridiem pro-  
tenditur, eum à Turcis, ut dixi, appellant: qui uero  
præ cæteris omnibus in altum erigitur, ob id Turri-  
ferum nominant. Huic qui subest medius, ut est, uoca-  
tur: quem autem ultimum ex eodem latere uidetis So-  
laris, quod ad solem orientem spectat, dicitur: atque hi  
omnes unius lateris montes respectu uallis orientem  
uersus

Janus go.  
sumor  
Habens gr.  
hnbz

uerſus ſiti ſunt. Alterius uero, is quem primum cernit  
tis ex Nicolao quodam, proximus ex cuneo nomen due-  
xit. Tertius ordine eſt Carbonarius. Quartus, in quo  
nunc ſtamus, à Scoti nomen accepit: eum ſequitur  
qui à ſacerdotibus dictus in ſuperiorem & inferio-  
rem diuiditur. AN. Vnde hæc nomina montibus? Fue-  
runtne hīc Turcæ? BER. Diuinum numen prohibe-  
bat, ut Turca in medianam magnam Germaniam regio-  
rem penetret, quo Romanus qui toti ferè orienti &  
occidenti imperabat, tot cruentis bellis non potuit  
peruenire. Sed ſic uulgas metallicorum nominat mon-  
tes ut unum ab altero poſſit diſtinguere. Pergamus  
nunc uix enim medium montis ſuperauimus. NAE.  
Præcedas. Sequimur. AN. Niſiū festinamus. BER.  
Credo te diuitem factum quod progrediaris tam tar-  
de. AN. Quid ita uero? BER. Quia nuper quidā,  
cuius nomen, ne quempiam lădere uelle uidear, ta-  
ceo, antequam diues fieret, & in ſumma adhuc ege-  
ſtate eſſet, quotidie bis aut ter nihil queſtus hunc mon-  
tem ascendere solebat, ut uero melior fortuna aspira-  
re coepit, mox de difficultate anhelitus conqueritur,  
& auram ait eſſe grauem, ſe ultra in ualle commora-  
ri non poſſe. AN. Quid narras? ita nō diuitiae mu-  
tant mores? BER. Quid alijs contingat nescio, ſic  
certe iſtum uidimus mutatum. NAE. Vulgi quidem  
mores hoc modo mutari ſolent, optimorum autem ui-  
rorum minimè: quorum animus rebus ſecundis non ef-  
fertur: aduersis non deiicitur, ſed ſemper idem eſt ma-  
netq; conſtanter. AN. Aer ſatis ſerenus & gratus  
eſt in ualle hoc anni tempore, qualis uero in autumno  
& hyeme ſit ignoro. BER. Solebant quidem hiſ po-

tibium temporibus, quæ modo dixisti, esse nebulæ  
tantæ et tam crassæ ut uallcm totam obtegerent, et  
aspectum etiam solis interdum nobis adimerent, et iu-  
re quispiam tum dicere potuisset nos nō aliter ac Cim-  
merios in tenebris uersari: nunc uero tum siluis præci-  
sis, tum multis cuniculis, per quos riuli aquarum ef-  
fluunt, in montes actis, cessant nebulæ, utpote monti-  
bus aridioribus factis et aura liberiori redditæ: atque  
ita etiam uallis nostra caligine ultra nec circumfundit-  
ur nec occultatur. Sed de his satis, iam enim prope  
uenam, quam uidere uultis, sumus. Vena etiam, quæ  
nunc gradimur, subest, quæ transuersa Stellæ incur-  
rit. NAE. Est ne ipsi nomen? BER. Est. Hetero-  
spergiam nominant. NAE. Unde id reperit? BER.  
Ex inuentore. NAE. Quid audio? Venæ et Putei  
ut olim apud Hispanos ex inuentoribus nomina duxer-  
unt? Si enim rectè memini Plinius scriptum reliquit.  
Mirum adhuc per Hispanias ab Hannibale olim in-  
choatos puteos durare sua ab inuentoribus nomina  
habentes, ex quibz Bebelo appellatur. BER. Non  
nulli ex alijs rebus nomina inuenerunt, prout inuento-  
ri placuit. proxime enim fodinæ sunt, quarum alia  
Cæsar Germanicus nominatur, alia asinus aureus, a-  
lia ursus. Vides terminum hunc? NAE. Lapidem ui-  
deo terræ infixum. BER. Rectè. Bacchus uocatur  
hæc fodina. NAE. Quid Bacchus agit in his mon-  
tibus ubi uix crescunt pruna silvestria? BER. Est,  
ut dicas, sed hic inueniuntur tot et tantæ massæ ar-  
gentæ, ut si cui fortuna bene uelit, ipsi uina, uel è  
Creta usq; allata, defutura non sint. Suum autem no-  
men fodinæ dedit Bartholomeus Bacchus, uir omnis  
antiquo

antiquitatis & eruditionis amantissimus, nosti hominem? NAE. Noui. Abstemium non Bacchum dici oportebat: nam paulum uini babit. BER. At partes in hac ipsa fodina nonnullis donauit qui hilares esse solent, e quibus unum tibi nominabo Eobanum Hesum poëtarum omnium, quos hactenus Germania habuit, in elegia, mea sententia, facile principem. NAE. In eodem genere carminis ipsum non longè sequitur Iacobus Mycillus iuuenis optimo ingenio & flagrantissimo studio. Sed Eobanus dignus profectò esset fortuna Suiceri, quam uellem Heterespergiam uenam argentinam feracem esse quam Stella est. BER. Est sane, nam & ipsa in monte Turcico, ubi aliud nomen habet, ingentes thesauros effudit, neq; exiguos in pede huius montis: sed hoc in loco nec profundi satis sunt putei, nec cuniculi huc acti, quam ob rem hic etiam aquae liquid argentinis effodere posse speramus. NAE. Si spe quicquam efficeretur, equidem una cum Eobano sperarem, tam amo uirum, cum quo mihi olim Erphurdi magna familiaritas intercessit. BER. Sperandum omnino est, siquidem præter spem nostris interdum nihil est, puteis ad centum usque orgyas effossis, & quemadmodum rectè dictum est, Spes alit agricolas, ita eadem sola persæpe metallicos in intima terræ uiscera & Plutonis regna dicit. AN. Ego spem precio non emo. BER. Quid ita? AN. Quia multum in fodinas sumtum facere oportet, quod si iam spes fefellerit, meritò me deridendum putarem, qui ad incertū casum certas pecunias impenderim, & temere me for tunæ commiserim. BER. Niua ista tua prouidentia obstat, quo minus unquam uel bonus metallicus uel

diues, quod peripatetico aspirare liceret, fias. Atque  
 hac certe ratione neq; agricola sereret, quia timenda  
 sit calamitas, neq; mercator nauigaret, quia naufra-  
 gium pertimescendum, neque quisquam in militiam  
 iret, quia incertus sit belli exitus, sed bene sperant o-  
 mnes et prospere eis res saepius procedit, nemo uero  
 animo qui abiecto et timido fuit unquam rem fecit,  
 aut etiam faciet. Sed deflectamus ad sinistram et ad  
 puteum, cui Constantinus nomen est, accedamus.  
**N.A.E.** Quod tu modo puteum, Vitruvius specum ap-  
 pellat. **B E R.** Ita est, atq; cum eo Germanicum no-  
 strum uidetur conuenire, uoce deducta a uerbo, quod  
 licet utriq; nationi diuersum sit, idem tamen signifi-  
 cat. Est autem Constantinus demensum quintum ue-  
 nae Stellæ. **N.A.E.** Auspicatum sanè et imperato-  
 rum nomen puteus hic habet: largietur, ut decet im-  
 peratorem, regia prorsus munera. **BER.** Speramus,  
 et nuper coepерat, atq; uno et altero die quinqua-  
 ginta pondo argenti effodiebantur, interea nihil ui-  
 dimus, desideramus in eo constantiam. **A N.** Quasi  
 uero non sperandum uobis esset. Sperate cum iterum  
 argentum eruetur, tum forte constantior erit. **BER.**  
 Tunc etiam ubi res cum nomine congruet, uerè Con-  
 stantinus appellabitur, atq; adeo si abunde argentum  
 largietur, magnus. **N.A.E.** Quid hic uideo? **B E R.**  
 Machinam uides tractoriam, quam duo iuuenes robu-  
 sti in orbem torquent, et modulis, quicquid è uena  
 excisum est extrahunt. **N.A.E.** Labor non exiguus  
 uidetur esse. **BER.** Omnia maximus: à summo ma-  
 ne usq; ad uesperam carris, id quod extraxerunt, eue-  
 bentes, ad eundem laborem, tanquam Sisyphus ad sa-

Geor. Agric.

xum, redeunt. NAE. Ancon noster si duos menses machinam uolueret, non in Crafforum familia, ut nunc, censeretur, sed Macer futurus esset. AN. Initio ista precanda, siue malis Stoicis, qui suam tolerantiam prædicant, haudquaquam Peripateticis aut Epicureis quibus ornatior & delicatior uita placet. BER. Hoc loci nihil iam egregij uidebitis, eamus ad eiusdem uenæ puteos argenti feraces. NAE. Quā picturam occidentem uersus in tabula, foribus casæ cuiusdam affixa, conspicor? hominis bifrontis imago ne est? BER. Ianus est. NAE. Ianus? BER. Ille ipse, quem antiquitas iccirco, ut scitis, bifrontem finxit quod & præterita sciuerit & futura præuidedit. NAE. Quid puteus éone nomine appellatur? BER. Sic nomen ipsi posuit Bacchus noster. NAE. Illéne deos eligit quorum in tutela fodinas suas esse uult? BER. Quim potius altero uocabulo, nempe Bacchi, ad nomen suum, ut ante quoque dixi, alludit. Hoc metallicos quosdam monet, ut quemadmodum Ianus olim erat, ita & ipsi sint prouidi, ne omnibus pecunijs exhaustis, in extrema tandem egestate uiuant. NAE. Ianus qui bifrons est minime fallit, ut nec ipse falli potest. BER. Quid futurum sit forte Ianus prouidere, aut Lynceus qui omnium acutissime uidisse traditur, cernere potuisset. Nos, quibus tanta prouidentia & acies oculorum negata sunt, nescimus. Spearamus tamen indicijs quibusdam adducti. AN. Quid ais? sūntne uobis indicia? BER. Maximè. AN. Sint sanc, ut dicis, at incerta prorsus & dubia sint necesse est. Qui enim scire potestis quamdiu ea ipsa firma erunt? aut si diu etiam erunt firma, argentum certe

subesse? mihi quidem nullo modo uidetur id fieri posse: quæ enim acies humani ingenij aut tanta est? aut esse possit? ut in intima terræ penetret, atq; quid ibi reconditum sit inspiciat? Certe si quid fodiendo efficitis, illud ipsum uos aſſiduitate, aut beneficio fortunæ potiusquam arte aliqua consequi credo. BER. Siue arte, quæ, ut quidem ego sentio, hic non omnino nulla est: siue fortuna, ut tu uis, quippiam aſsequimur, non referre puto: id modo aſsequamur, quod tam uehementer optamus, ob quod tot molestias et erumnas solemus perferre, cuius deniq; gratia et dies et noctes tantopere laboramus. NAE. Ne nunc in hunc latum disputationis campum ingredimini, cū plus uacui temporis habebimus, de his nobis differendum erit, et quidem accuratius. Certe et hæc uena per transuersum Stellam secat. BER. Ita est. NAE. Quo nomine appellatur? BER. Triadis. AN. Auspicato sane, ternarius enim numerus continet initium, medium, et finem, quibus omnia transiguntur. NAE. Quia hic omnium perfectissimus est, non erit uena sine argento. BER. Satis uberes fructus in monte tulit, qui à Turcis nomen inuenit, nec multò minores in radice huius montis: quid uero in hac ueluti planicie datura sit, tempus, quod omnia aperit, ostendet. NAE. Nouam figuram domus conspicor. Pyramis aliqua mihi uidetur esse. AN. Mihi uero ad exemplum etiam Panthei Romani facta. BER. Perbelle, siquidem in ea Plutus habitat omnium deorum potestissimus. AEdificium enim hoc super puteum, qui tantas diuitias cum multis qui uitam in egestate degabant, tum Suicero largitur, extrectum est. NAE.

Quid?

Quid? Plutus tandem respexit indigentes? Chremy= lus ne aliquis illum ad AEsculapium duxit, ut ipsi sen= sus oculorum restitueretur? BER. Minime. Sed me= tallici, qui multum et diu intra terram, quod se abde= re solet, eum querunt, cum uero inuentus fuerit, sub diuim protrahunt: quod ubi sit maxima undiq; homi= num multitudo eius uisendi gratia accurrit, atque i= psum magna cum laetitia et ingenti plausu exci= piunt. NAE. Non minori credo quam Veneti suas na= ues, mercibus oneratas, cum eas uel ex Beryto, uel ex Alexandria redire ex altissima turri prospiciunt. BER. Ducunt uero ipsum non ad Aesculapij, sed ad officinas metallicas ut suam lucem et nitorem reci= piat: quam ob rem eos beatos facere solet. NAE. Læ= ta hæc sunt, his potissimum quibus ea felicitas contin= git. Sed cur ab alijs fodinarum casis hæc differt? BER. Intelliges, ingrediamur. NAE. Deum immor= talem quantam machinam video, estne pro expugna= dis urbibus, ut olim aries et testudo, facta? BER. Pro expugnanda uena hac, quæ suppeditat nobis co= piam argenti, fabricatam uides, est autem etiam ipsa tractoria. NAE. Quid agunt hic equi? BER. In orbem ducunt eam. NAE. Magna facilitate. quam uellem nunc Stratonis Lampsaceni librum, quem de machinis metallicis scripsit, extare. BER. Velle= m et ego plurimum, de machinis enim, quibus ponde= ra leuantur, præter Vitruuij quedam, ferè nihil su= peresse scio. NAE. In Stratone crederem huius et similium descriptionem artificiosam inueniri posse. BER. Forte inueniretur. multæ tamen machinæ, si quid ego sentio, à nostris hominibus inuenientæ sunt, quæ

*Largi*  
 ueteres illas non parū artificio uincunt, aut multum  
 ab eis differunt. NAE. De re quam ignoro non con-  
 tenderim tecum. BER. Evidem quod de machinis  
 apud Græcos autores fuit, à Vitruvio transcriptum  
 puto: quod si iam nostra cum illis confères, tum quid  
 intersit iudicare poteris. Puteorum certe altitudo ne-  
 cessitate quadam nostros adegit ut tot & tanta in-  
 strumenta tractoria excogitarent. Sunt autem longe  
 maiora & artificiosiora profunde admodum in ipsis  
 puteis cum Gairi, quæ patria mea est, tum præsertim  
 Snebergi, ubi puteus fodinæ, ex quo tanti thesauri,  
 nostra ferè memoria, effossi sunt, ducentarum fermè  
orgyarum altitudine est: quare eiusmodi machi-  
 nis opus fuit. NAE. Quam puteorum altitudinem  
 narras, atq; etiam restant adhuc inferi? BER. Imò  
 Cottenhami putei sunt plusquam quingentas orgyas  
 alti. NAE. Et nondum aulam Plutonis metallici ex-  
 pugnarunt? AN. Profecto si uera esset opinio Py-  
 thagoreorum, qui terram non in medio ut centrum  
 statuunt, sed circulum, qui circa medium uoluitur,  
 iam dudum ille ipse in tanta puteorum altitudine per-  
 fossus, iter metallicis ad eos qui aduersi nobis stare di-  
 cuntur, aperuisset. NAE. Xenophanes Colopha-  
 nius & Empedocles qui immensam & infinitam ter-  
 ræ altitudinem decreuerunt, hoc argumento, tanquam  
 sensuum iudicio, nixi aduersarios suos fortiter oppu-  
 gnassent. Sed multum forte aquæ habent tam alti pu-  
 tei. BER. Quidam planè sunt aridi: quidam adeo  
 multuni aquæ continent, ut Thales Milesius hinc ter-  
 ram aquæ, ut ligna solent, innatate probare posset.  
 NAE. Fortassis in his uel ad Styga, uel ad Cocytum,  
     uel

uel ad aliquem alium inferorum fluvium à uestris  
peruentum est. BER. Ut iocamur genus certè dæ  
monum in fodinis nonnullis uersari compertum est:  
quorum quidam nihil damni metallicis inferunt, sed in  
puteis uagantur, ac laboribus cum nihil agant uiden-  
tur se exercere: nunc cauando uenam, nunc ingeren-  
do in modulos id quod effossum est, nunc machinam  
uersando tractoriam, nunc irritando operarios, idq;  
potissimum faciunt in his specubus è quibus multum  
argenti effoditur, uel magna eius inueniendi spes est.  
Alij uero noxij admodum sunt, ut ille qui ante aliquot  
annos Annebergi fodinam infestam habebat, ut cui  
nomen Corona Rosacea, metallicos duodecim, quæ  
res multis nota est, necarit, ac ea de re fodina, quan-  
tumuis argento diues esset, relicta fuit. AN. Eius ge-  
neris dæmonum, quod in metallis esse solet, inter relia  
qua, sex enim numerat, Psellus mentionem fecit, atque  
id ipsum, ni fallor, cæteris peius, ut quod crassiori ma-  
teria amictum sit, esse dicit. BER. Sunt inter eos  
nonnulli, ut dixi, ita praui, ut metallici eos non secus  
ac pestem quandam præsentissimam auersentur et  
fugiant: alijs contrà mitiores, quos frequentes adesse  
et laborem eorum sœpius audiri non modo non ægre  
ferunt et dolent, sed etiam exoptant et pro omni  
bono ducunt. Sed mittamus dæmones, tot et tantis  
machinis opus fuit ut extraheretur aqua et id quod  
effoderent. NAE. Digna profectò essent hæc et  
eiusmodi alia instrumenta ut posteritati traderentur.  
BER. Digna planè, et arbitror breui futurū. NAE.  
Magnus modulus hic est. BER. Eum minores octo  
uix explere queunt; itaq; hac machina die uno tantū  
uel

uel terræ uel lapidis è uena excisi extrahitur, quan-  
 tum altera octo integris diebus. AN. Funis quoque  
 ductarius cuius rudenti æquandus est. NAE. Vide  
 mus ea quæ extracta sunt. BER. Melius extra ca-  
 sam in tumulo è fodina egesto à uobis uideri poterūt.  
S. i. m.  
 Primo namq; argenti materiam conficiemus: narra-  
 uit enim mihi præses fodinæ in altero modulo, qui  
 mox extrahetur quædam inesse quæ multum argen-  
 ti in se contineant. NAE. Non mihi displicet. AN.  
 Nec mihi. BER. Statim fiet: siquidem puteus non  
 multum profundus est, non enim ultra sexaginta or-  
 gyas, quod si ad centum eo modo quo cœpit argen-  
 tum fuderit, regias diuitias largietur. NAE. Dies po-  
 steri quid fiet indicabunt. BER. Venæ certe exten-  
 sio, caput, fibræ magnum quiddam pollicentur, sed  
 modulus iam extractus est, & aluei quidam in eum  
 impositi quos præses fodinæ & alij accipiunt, ut eos  
 in domicilium, quod hic proximum est, ferant, quam  
 ob rem sequamur. NAE. Probe dicis, eiusmodi enim  
 materie uidendæ gratia tecum ascendimus. BER.  
 Ingredimini. NAE. Quot modulos & alueos uideo.  
 BER. In his omnibus argenti materia est, atque hic  
 primum uides Galenam sive plumbaginem. NAE.  
 Estne hæc plumbago, quam Plinius μολύβδον  
 etiam uocat? BER. Ita sentio. sed sic defendo hanc  
 sententiam, ut si quis claris & evidentibus argumen-  
 tis aliter se rem habere probauerit, non iniurias de ea  
 discedam. NAE. Probe dicis, & eo animo maximè  
 quenq; esse oportet, qui uerum inuenire sine pertina-  
 cia & contentione uelit. Sed, obsecro, dic nobis qui-  
 bus indicijs persuasus Galenam id esse putas? BER.  
Plumb

Quæ

Quæ nunc mihi homini metallico succurrunt, ea dicam, neq; dubito quin à philosophis & medicis longe & plura & accurata magis dici possint, modo tantū otij sibi sumant, ut in hanc rem animos parum intendant: nam multa consideratione opus ipsis non est. ita que Galena uena tum solius plumbi, tum communis argenti & plumbi uocatur: id quod ex uerbis Plini, quæ ita habent, intelligitur. Loquitur autem de terra in qua inest argentum. Excoqui non potest nisi cum plumbo nigro aut cum uena plumbi. Galenam uocant, quæ iuxta argenti uenas plerumq; reperitur. Libro uero sequenti ita scribit. Est & μολύβδανα, quam alibi Galenam uocauimus, plumbi & argenti uena communis. NAE. Satis ex his uerbis Plini Galenam uenam esse uel plumbi tantum uel plumbi & argenti simul intelligitur. BER. Iam constat plumbum, de nigro loquor, ex hac una materia, quam certis, & pyrite ac alio quodam genere non ita fœcundo huius metalli, excoqui posse: modo solum, quale fere est Villacense, modo uariè mixtum cum argento, ita ut eiusmodi plumbi talentum nunc libram argenti, nunc medium: interdum etiam minus contineat. Aliud præterea genus Galenæ est, huic, quod iam uobis ostendi, colore nihil dissimile, sed prorsus sterile ut totum uis ignium consumat. Hæc prima mea coniectura est, quod si quis ex alijs quibusdam quam ex his ipsis, de quibus modo dixi, plumbum nigrum excoqui unquam aut uidit aut audiuit, dicat & minimè grauiter feram rem in dubium uocari. NAE. Non conjectura est, meo iudicio, sed argumentum satis firmum, si tu, qui tot regiones peragasti ex nullo alio genere plumbum

plumbum nigrum confici uidisti. B E R. Evidem  
 non uidi, quid alij uiderint nescio. Altera coniectura  
 leuis admodum est, fateor. Galena siue Hispanicum, si  
 ue alterius gentis uocabulum sit, nihil moror: nam no-  
 strum non esse hinc perspicuum puto, quod serius me-  
 talla fodi cœpisse in Germania constet: id certè no-  
 stri imitati, eandem rem similiter, ultimis tantum mo-  
 do literis mutatis, appellarunt. A N. Hæc coniectu-  
 ra sua uis satis firma esse non uidetur, priori uero iun-  
 ita eam non parum confirmat. N A E. Marcellus  
 Virgilius, qui post Hermolaum Barbarum Venetum  
 & Ioannem Ruellium Suezionensem, uiros doctissi-  
 mos, Dioscoridem interpretandum sibi sumvit, utrius  
 que linguae, mea sententia, non fuit imperitus, sed in  
 harum rerum cognitione penè rudis. Is mihi semper ui-  
 sus est errasse, cum scribit in annotationibus suis se  
 credere Galenam à Galecia Hispaniæ dictam. A N.  
 Quid ita? N A E. Quia Plinius hac parte mihi grauis  
 simus autor, negat in Galecia plumbū nigrum, quod  
 ex Galena conflatur, fieri: ait enim, Non fit in Gale-  
 cia nigrum, cum uicina Cantabria nigro tantum abun-  
 det. A N. At idem candidum tam in Galecia quam  
 Lusitania gigni scribit. B E R. Verum id ipsum non  
 ex Galena, sed ex lapillis nigris, quod ipse etiam indi-  
 cat, conficitur. A N. Discedamus à Marcello qui me-  
 talla nusquam se uidisse commemorat. B E R. Recte,  
 nam permultis erroribus, qui ex diuersis proferri  
 possent, nunc supersedendum est. Tertiam autem, si  
 placet, coniecturam audite. A N. Maximè. B E R.  
 Colore plumbi, ut uidetis est, atq; ob id Græcis μο-  
 λύναις, Latinis plumbaginem dictā arbitror,  
 nisi

nisi quis iccirco potius, quod ipsum etiam pro me facit, sic dictam uelit, quod ex ea plumbum fiat. Itaque hæc sunt quæ pro plumbagine dicere uolumus & possumus, quæ si uobis uidentur uera aut ad uerum quam proxime accedere, habeo quod uolo, si minus, non laboro: quin etiam uos adhortor ut contra hæc dicas. NAE. Ferè mihi persuaseris, unus tantum restat scrupulus, qui me urget. BER. Quis tandem ille est? uidebo an eximi posbit. NAE. Dioscorides Molybdænam suam fossilem, quæ ad Sebastianum & Corycum inueniebatur, flauam esse scribit & splendentem, at quam tu nunc nobis monstras splendet quidem, sed plumbea est, haud quaquam flava. BER. Possem equidem respondere, me de Plini Galena, quam ipse Molybdænam uocari scribit, dixisse, & sic nihil prorsus mea opinio labefactata esset, sed quia adhuc penderes animi, dicam quæ ego sentio: tibi deinde uel consentire uel dissentire liberum erit. A. Dioscoride Galæna hæc, quæ plumbi colore est, si quid ego iudico lapis molanus & oedeticus quod plumbi specie sit appellatur, atq; is à Molybdæna nativa ipsius Dioscridis magis colore quam materia differt. NAE. Quid ita de lapide plumbario iudicas? forte quod plumbi specie sit: at enim quæ specie & colore non differunt, non statim eiusdem etiam materiæ sunt: nonne gemmas hodie ex uitro nativis illis tam similes quidam fingunt, ut persæpe imprudentis imponant? quas tamen lima & ignis peritis non gemmas, sed uitra esse coarguunt. BER. Vera dicis, & profectò multa alia sunt quæ persæpe specie fallunt. Sed lapidem plumbarium materiam plumbi in se continere ex ipso

ipso Dioscoride perspicuum esse potest, qui easdem ui-  
res ipsum habere scribit, quas habet tum plumbum lo-  
tum, tum recrementum plumbi, & eodem quo poste-  
rius modo lauari. NAE. Memini. Sed audi Ancon,  
credebam nos sermonem habituros cum metallico quo-  
dam, at cum philosopho & medico, ut uideo, disputa-  
mus. BER. Ego meritò rideor, qui me non intra se-  
ptamea, quod modestiae erat, contineo, sed in istos ue-  
stros campos admodum latos & mihi planè incogni-  
tos egredior: ubi quid facilius est, quam aberrare?  
uestrum igitur erit, me reducere in uiam. NAE. Mi-  
nime rideris, neq; hactenus, meo iudicio, erras, perge  
igitur. BER. Quod latini uenam, Græci modo ter-  
ram, modo lapidem, ut audio, appellant: at q; ita mihi  
lapis plumbarius dictus esse uidetur, ut uena plumb-  
aria dici solet. NAE. Venam, quemadmodum intelli-  
go, materiam dicis ex qua metalla excoquuntur.  
BER. Recte accipis. NAE. Itaq; aeris uenam Gale-  
nus liberum nobis reliquit uel terram uel lapidem no-  
minare. Sic tu quoq; lapidem plumbarium, materiam  
ex qua plumbum fit, dictum putas. BER. Rem te-  
nes. Plinius præterea, qui Dioscoridem fermè latinū  
fecisse dicitur, Galenæ, quam etiam molybdænam uo-  
cat, uoce contentus nihil scribit de lapide plumbario:  
quinetiam uester Galenus, ut mihi nuper quidam re-  
tulit, ait se unā cum multis alijs natuam molybdæ-  
nam lapidis specie, quemadmodum Cadmiam in mon-  
tibus & riuis Cypri, projectam uidisse in uia, quæ à  
Pergamo ad officinas metallicas ducit: nec seorsim la-  
pidis plumbarij mentionem facit, forte quia & ipse  
pro eisdem habuit, quia non materia, sed colore solū  
differunt.

differunt. NAE. Est ut dicas. BER. Postremò Galenus in libro qui de compositione medicamentorum per genera inscribitur, eo loco quo docet quid inter emplastra facta ex lithargyro aut molybdæna interficit, inter cætera, ut mihi ante paucos dies quidam è Græco interpretabatur, ait è cerussa & lithargyro alba, è molybdæna subfuscæ & quæ cineraceo colore sint confici, id quod experientia ita esse nuper didici, cum ex nostra Galena, non flava illa, sed plumbea, a qua & oleo, ὑστέραιον Græci, puto, appellant, emplastrum conficerem. Sed è molybdæna etiā, quæ opere fornacum fit, metallicam Plinius nominat, eiusdem quasi coloris emplastrum fieri comperi: boctamen interest, quod metallica igne liqueficit dum in emplastrum coquitur, nativa uero ut Cadmia lapides & harenæ etiam, non liquefit, et si in puluerem tenuissimum fuerit redacta. NAE. Quid igitur Di scoridi uisum est, qui scribit eam oleo incoctam iocinoris colore fieri. BER. Recte sensit, nam cum colorum cum oleo tantum coquitur, assunit. Sed Plinius hac parte, cum Dioscoridis uerba latine reddit, memoria mihi lapsus uidetur esse. Dioscorides enim factiam, ipse natuam ubi oleo coquitur, iocinoris colorum referre scribit. NAE. Idem mihi uidetur, nec mirum est in tanta rerum omnium congerie. BER. Candide iudicas. NAE. Multa nunc dixisti Bermanne, in quibus tibi assentiar necesse est, & quia sic esse apud Galenum & alios sciam, & quia nihil mihi iam occurrit quod obijcam. nondū tamen explicasti quæ esset fossilis illa flava, & splendens Dioscoridis Moly bdæna. BER. Singularis quædam memoria tibi est,

C

multa

multa enim modo à me non ob aliud dicta sunt, quām  
ut te longius ab eo quod quærebas abducerem, ET  
ne, si quid dicerem de re non satis cognita, in scopu-  
lum aliquem, quod ualde timeo, impingerem. NAE.  
Locaris, dic quæso si quid habes. BER. Extra io-  
cum nihil certi habeo, sed quia ita uis, dicam quæ mi-  
hi uidentur. NAE. Dicas modo. BER. Galenam  
quæ plumbi colore est, dixi à fossili illa Dioscoridis  
magis colore quām materia differre. Iam consentas  
neum est eidem materiæ differentes colores esse pos-  
se, diuersi enim uapores, è terræ uisceribus excitati,  
unam ET eandem rem diuersis coloribus tingunt, ET  
nos uidimus non unius coloris Galenam. Nam et si fre-  
quentissimè est plumbi coloris resplendentis, inueni-  
tur tamen interdum nigra, interdum cœrulea, inter-  
dum etiam iocinoris colore infecta, quas omnes post-  
quam cultello secare conatus fueris, non aliud quām  
Galenam esse certo, tantum harum rerum omnino ru-  
dis non sis, cognosces, Quid igitur mirū flauam etiam  
inueniri? in calidis præsertim regionibus? quin apud  
nos non raro flauo colore obducta est, quæ ET ipsa  
plumbum in se continet. NAE. Hanc crediderim  
Dioscoridis esse Molybdænam. BER. Fortè est.  
Flauum quoq; id quo conspersam esse Galenam solere  
iam dixi, seorsim reperitur in uenis satis copiosum,  
nonnunquam ita calore terræ temperatum, ut quum  
primum asperges metallicum quiddam in se contine-  
re dicas. Splendet etiā, maximè si diffindatur. NAE.  
Et tu adhuc dubitas hanc Dioscoridis esse? BER.  
Ego nihil temere affirmare uolo, uos per ocium dili-  
gentius inquirite. Sed audias rogo. NAE. Audio.  
BER.

BER. Si Ancon ita, ut tu cœpisti, me oppugnauerit,  
ego profecto saucius & defensus, abiecto clypeo, è  
prælio aufugiam. AN. Ne timeas. NAE. Ridicu-  
le, quasi uero uerba cum iam in fugam possint uerte-  
re, quem olim fragor armorum non terruit. Quare si  
quid uelis Ancon interroga. AN. Nihil est quod in-  
terrogem, nam ego Arabes arbitror Molybdænam  
ignorasse, uel eandem Lithargyro putasse. Siquidem  
Serapio qui in ea gente cæteris omnibus qui de mate-  
ria medica scripserunt, diligentior fuit, nihil seorsum  
de ipsa, ut de alijs solet, scribit. Sed cum de plumbo a-  
git, confixuræ eius addi, Dioscoridem imitatus, so-  
lum dicit: nec alius locus quisquam, in quo eius mentio  
fiat, nunc mihi succurrat. BER. Neq; de foſſili ſcri-  
pferunt? AN. Non quod ego ſciam, niſi forte in ali  
cuius emplastri compositione eius mentionem feci-  
ſent. Sed cognoscis ne ipſam? BER. Opinor. AN.  
Si nobis eam quoq; indicares, quaſi postliminio quo-  
dam iure à nobis in uſum medicinæ reuocaretur.  
NAE. Veteres ipſa magis quam foſſili ſunt uſi. BER.  
Probe dicis, ſed hic indicari non potest. In officinis ue-  
rò, in quibus metalla excoquuntur, commode à uobis  
uidebitur. AN. Perge igitur ad reliqua. BER. Per  
gam, en uobis pyriten. NAE. Pyrites de quo multa  
in Græcorum libris ſcripta ſunt, apud uos eſt? BER.  
Opinor. Sitamen ſatis probabilibus indicijs hoc no-  
men rei quam oſtendo, afferere uobis non uidebor, me  
ut pro uerba eruditione libere reprehendatis uolo.  
NAE. Nunc Ancon intelligis quantum timeat. Iubet  
ut ipſum reprehendamus, & faciemus ſi modo uere  
poſſimus. Cauendum enim nobis maximè ne quid in-

consideratè unà statuentes à uero longius aberremus. AN. Bene mones. Nam qui falsum pro uero persuadere conatur, plurimis multum obesse, sibi ipse parum omnino aut nihil prodesse poterit. Qua de causa si quid contra te Bermanne dicturi sumus, rogo ne succenseas nobis. BER. Nisi experientia, id esse pyriten, quod dico constabit, ipse meum errorem coarguam, tantum abest ut his qui à me dissident, succensem. NAE. Ille igitur pyrites est? BER. Argentarius est. NAE. Argenteo quasi colore est. BER. Argentum quoq; ex eo excoqui potest. NAE. Quid audio? Argentum in se continet pyrites? Plinius quidem argenteo colore pyriten quendam esse dicit, sed ex eo argentum excoqui posse, neq; ipse, neq; veterum quisquam, quod ego sciam, memoriae tradidit. Quocirca uide ut tua possint subsistere. BER. Subsistunt spero. Primum hoc mihi responde, in tantarum omnium multitudine, & uarietate ueteres quædam ignorasse, an omnia cognosse & literis mandasse credis? Verisimile est quædā ipsos ignorasse, quædam cognosse, et si ea posteris nō tradiderint. BER. Recte sentis. Mittunt hodie Moschus, Rhutenus, Bidelapus preciosas & uarias pelles animantium, quorum ueteres ne uerbo quidem mentionem fecerunt, cum eorum natura non minus digna esset ut memoriae mandaretur, quam uel cuniculi, uel uiuerræ. Ita in rebus etiam metallicis forte quædam ignorarunt, maxime cum ea ipsa pro regionum dissimilitudine, ut & alia multa, non parum inter se distent. NAE. Non repugno. BER. Concedis ne æs ex pyrite conflatum fuisse? NAE. Quid nū? cum aperte id ipsum Dioscorides

rides dicat. AN. Serapio è Marchasita æs excoqui  
ait, forsan idem erit Marchasita quod pyrites. BER.  
Idem plane. Nam quod Græci et post eos Latini py  
riten, Arabes tui Marchasitam appellant. NAE.  
Est ut dicis. BER. Alterum igitur pyrites genus  
est, quod in argentarijs fodinis non raro, frequentius  
uerò in ærarijs inuenitur, ex quo æs nostri cōflare so  
lent, id me in loculis habere credo. NAE. Ostende  
nobis obsecro. BER. Hic uidetis. NAE. Specie æs  
ri assimilis est, qualem Dioscorides præ cæteris in u  
sum medicinæ eligit. BER. Recte. NAE. Sed Pli  
nius scribit: Pyriten vocant, quoniam sit plurimus i  
gnis illi. elicitur ne ex eo ignis? BER. Facile ex eo i  
gnis excuditur, atq; ea de re unà cum Plinio Græcis  
ita dictum puto, quamvis et inde nomen habere uide  
ri possit, quod igneus color persæpe ipsi sit. NAE.  
Posset, sed ab autoribus discedendum non est, præser  
tim si res ipsa ab eorum sententia non dissentiat, sed  
eam etiam confirmet. BER. Bene iudicas. NAE.  
Perge. BER. Secundum hoc genus est aureo ferè  
colore, quod unà cum primo, ut idem Plinius scribit,  
quidam et in Cypro reperiri, et in metallis quæ  
sunt circa Acarnaniam uolunt. NAE. Memini. Sed  
ipse mihi uidetur pyriten, quem similitudine æris esse  
dicit, coloribus distinguere, ut unus argenteo, alter  
aureo sit. BER. Melius me meministi, et bene sanc  
dit, ex utroque enim æs conflatur. NAE. Nonne  
paulo antè dixisti ex argentei coloris pyrite argen  
tum fieri? BER. Duxi, et ita est. NAE. Argentum  
igitur et æs in se continet? BER. Modo solum ar  
gentum, modo solum æs, modo argentum et æs si  
mul,

mul, modo argentum & plumbum nigrum, modo plu-  
ra metalla, modo sterile omnino est, ut nullum metal-  
lum ex eo confici possit. Similiter de altero genere q;  
aureo colore esse dicit iudicabis. Verum praeter hæc  
duo aliud genus est aureo prorsus colore, quo quar-  
tum de quo nunc dicturi sumus, non raro conspersum  
esse solet. NAE. Dic nobis de quarto genere. BER.  
Colore Galenæ simile est, ut non immeritd quispiam  
dubitare posset utri adiudicandum, pyritæne an Ga-  
lenæ: nostri eo quo reliquos pyritas nomine appel-  
lant. NAE. Quod est illud? BER. Kisum. NAE.  
Neq; Græcum, neq; Latinum est. BER. Nostrum  
est, non aliunde sumtum. Sed forte nec pyrites, nec  
Galena est, sed suum quoddam genus habet. Nam py-  
ritæ colorem non habet neq; duriciem. Galenæ au-  
tem colore ferè est, sed materia prorsus differt. Con-  
ficitur uero ex eo aurum & argentum, atq; eius ma-  
gna copia Reichensteini, quod est in Silesia, unde mi-  
hi nuper allatum est, effoditur, multò etiam maior  
Raurisi: sed hoc argenti plus, auri parum, illud au-  
rum solum, aut non multum ferè argenti simul conti-  
net. Est quintum genus colore cineraceo, quod ipsum  
quoq; Reichensteini subtile admodum inuenitur, ac  
proximo generi, ut ex eo aurum excoqui possit, ad-  
miscetur. Hoc idem Aldenbergi in eadem Silesia re-  
peritur, paulò diuersum, atq; ex eo aurum & argen-  
tum conflatur, quod genus nostri etiam Kisum appellant. NAE. Cum descenderis hæc nobis indicabis.  
BER. Fiet. Postremo illud adiiciendum, pyritentam  
aurei quam argentei coloris saepe in metallis argenta-  
rijs, saepius in propria uenare periri, prorsus, ut &  
ante

ante dixi, sterilem. NAE. Quem igitur in arte mettalica usum præbet? BER. Si multus inuenitur in lapidis quoddam genus conflatur, cuius usus in argento excoquendo non exiguis est. Sed idem pyrites non raro in riuis reperitur, quem plerique Chymistarum non sine multorum risu colligunt, cum ferè sit sterilis. NAE. Plinius præter iam dicta aliud genus pyritæ uidetur indicare: Pyritarum etiamnum aliqui genus unum faciunt, plurimum habens ignis, quos uiuos appellamus, & ponderosissimi sunt. Hi exploratoribus castrorum maximè necessarij, qui clavo uel altero lapide percussi, scintillas edunt, quæ exceptæ sulphuratis, aut fungis aridis uel folijs, dicto celerius ignem trahunt. BER. Videtur, sed ex plerisq; quos nunc dixi, ignis excuditur & ponderosi sunt, nec mirum inter eos aliquando reperiiri, qui ponderosissimi sint, & ad ignem elicienduni maximè idonei, igitur omnino nego aliud genus esse præter ea, quæ nunc recensui. Ut autem è duobus primis pyritarum generibus, si sint densi, craSSI, & compacti, ignis facile excuditur: ita si rari, subtile, & in minimas quasi partes dissoluti fuerint, quales inueniuntur persæpe, ne scintillam quidem edunt: quemadmodum nec tria postrema genera, quod neq; ipsa satis solida sint. NAE. Eorum unum aurei prorsus coloris, alterum Galenæ simile, tertium cincraceum dixisti. BER. Rectissimè. AN. Quem igitur ex his omnibus eligunt medici? NAE. Ex Dioscoridis sententia cum qui æris specie est, siue ut Plinius reddidit similitudine, quiq; percussus facile scintillas edit. Alterius generis talis est, si recte accepi. BER. Mihi uero & primum genus simile.

litudinem quandam aeris, si solidum sit, uidetur habere, et si colore nonnihil differat. Excluditur autem ex ipso quoq; ignis, quare meo iudicio non reijcendum. N A E. Videtur etiam mihi nunc, cum χαλκοδον dicit Dioscorides, significare speciem aeris et formam potius quam colorem. Quia de caussa disfulti illi, quia eam non bene seruant, nec scintillas edunt, abiiciendi sunt. Solidi uero istius generis accipiendi etiam. Sed equidem in his quae dixisti tibi assentior, quam ob rem, nisi Ancon quicquam dicere uelit, ad alia transeundum puto. A N. Difficile mihi est a uobis dissentire, et me unum duobus opponere, cum in proverbio sit, Ne Hercules quidem contra duos. Et profecto nisi Bermannus iam ante nos etiam adhortatus esset, ut libere ab eo dissentiremus, omnino mihi tacendum putarem. Sed quia de his rebus disputare utriusque uestrum molestum non est, dic mihi Bermanne nonne paulo ante consensimus, pyriten ab Arabibus appellari Marchasitam? B E R. Ita est. A N. Si igitur ex pyrite tot metalla, quot tu dicis, excoquuntur, quid Albertus, qui de metallis omnium diligentissime scripsisse dicitur, sensit? qui omnis generis metalli pyriten, siue ut ipse appellat Marchasita, ignem consumere ait? dicemusne tantum uirum hæc ignorasse? qui et Germanus fuit, et metalla diligenter inuisit. B E R. Sæpe miratus sum, quomodo Albertus, qui, ut temporibus illis, uir doctus fuit, in eam opinionem uenerit, ut negaret metalla e Marchasita conflari. Pyrites sine dubio Arabibus Marchasita est. Nam omnia quae apud Græcos de pyrite scribuntur, Arabes sub Marchasitæ nomine in suam linguam translati.

transfulerunt. Iam è pyrite æs excoqui apertissime  
Dioscorides scribit, & Serapio Arabs, quod tu nobis  
ante in memoriam redigebas, in Marchasita repetit,  
& nos id ipsum uidemus cum in plerisque alijs officinis  
metallicis, tum Cuperbergi in Silesia, ubi ex eodem  
atramentum sutoriorum etiam conficitur. Quod si Al-  
bertus obseruasset, uel Serapionem legisset, nunquam  
in eum errorem incidisset. A N. Credo. Auicenna  
certe, qui Galeni copiosissimos libros in epitomen  
quandam suis Arabibus contrahere conatus est, te-  
cum sentit, Marchasitam auri, argenti, æris, & fer-  
ri esse tradens. B E R. Itane Arabs ille sentit? A N.  
Ita planè. B E R. Plura ergo de pyrite quam Plinius  
nouit. N A E. Plura etiam quam Græci ipsi, absit  
uerbo inuidia. B E R. Huius igitur sententiam si Al-  
bertus noster aduertisset, aut tam diligenter metalla  
apud quæ se uersatum fuisse scribit, inspexisset, quam  
facile Chymistis aures dedit, nunquam lapsus fuisset.  
A N. Et mihi uidetur errasse Albertus. B E R. At  
idem istis non uidebitur. A N. Quibus? NAE. Non  
intelligis? Philosophos & Medicos nostros notat.  
B E R. Non omnes, sed barbaros, & inter hos tan-  
tum eos, qui prauo sunt animo. Nam bonos uiros, qui-  
bus per iniuriam temporis doctiores fieri non licuit,  
irridere penè impium esse iudico: doctos, etiam insa-  
num. A N. Multa pyritarum genera modo recensui-  
sti, de ferritamen pyrite nihil à te dictum est, de quo  
scribit Auicenna: reperitur ne ipse in fodinis nostris  
ferrarijs? B E R. Reperitur ferreo prorsus colore,  
massæ autem ferrea speciem præse fert. Sed hic indi-  
cari non potest. A N. Vbique fodinæ ferrariae sunt,

quam ob rem facile ipsi inquiremus. B E R. Non in omnibus reperietis ipsum. A N. Perraro ergo inuenitur? B E R. Non ita frequenter ut reliqui. Sed est præterea aliud genus ferrei quasi interdum coloris, Cobaltum nostri uocant, Græci Cadmiam non multum differens à pyrite, quod alio loco uobis indicabitur. Vestri uero officij esse censeo de uiribus & natu ra Molybdænæ & pyritæ nunc dicere, ut nostris sermonibus non solum metallica, sed etiam medica tractemus, utq; par pari referatis. N A E. Iniquum esse arbitror tibi quicquam negare, qui te nobis exhibuisti tam facilem. Sed uereor Bermanne ne uerissimè affectum agere dicamur, qui post Dioscoridem & Galenum, quorum uterq; iam etiam Latine legitur, aliquid de medicamentorum uiribus dicere, nisi quid noui dicamus, uideri uelimus. Idem de uniuersis quæ in medicina tractantur iudico. Nā si Oribasius ḥv ταῖς συνωρεαῖς ἵαξικαις, quas duobus & septuaginta libris absoluit, quāsq; rursum septem in ἐπιτομῇ μὲν redegit, non multa ē scriptis ueterum medicorū Ruphi Mnēsithei, Antyli, Soriani, & aliorum qui pelerunt collegisset, & ea solum quæ essent apud Di scoridem & Galenum scriberet, non nisi magno quodam legeretur tædio. Verum sit huius labor utilis, sit Pauli Aeginetæ, qui amplissima illius uolumina & ipsis in epitomen deduxit, ut ingenue fatetur: Aetium certe & Psellum quibus idem studium fuit, non sine summa molestia legimus in his locis in quibus nobis eadem penè ad uerbum ē dictis autoribus recitant. Mitto hic Alexandrum, Aretium, Actuarium, Moschionem, & reliquos. B E R. At forte in istis nonnulla sunt

Sunt à ueteribus non scripta. NAE. Sunt pauca quædam, atq; ob ea ipsa tolerabiles sunt. Iam ad Anconis nostri Arabes, quibus idem animus, qui iunioribus Græcis fuit uenio. Quos si cogitas Arabibus scripsisse, laudabis uiros, qui nationem suam doctissimis Græcorum inuentis carere noluerunt: sin in eptè in lati-  
nam linguam uersos legi, dolebis nos conjectari riui-  
los, & rerum fontes non uidere. Deinde molestū erit  
eadem toties tibi occini, postremo barbariei multum  
indignaberis. Rasis enim, sentiet mecum qui utrumq;  
legit, ipsis Arabibus id est, quod Græcis Oribasius,  
cuius ita studiosus fuit, ut utranque suorum librorum  
inscriptionem ab illo mutuatus sit. Auicena alter qua-  
si Paulus est, quamuis eo longe & copiosior sit &  
plura tractet Serapio Dioscorides qua parte medici-  
nas simplices explicat. Reliquos consulto nunc præ-  
tereo. AN. Nostrorum labor alio etiam nomine,  
præterquam quod suis scripserunt, commendandus  
est. BER. Quo? AN. Quod medicinam multum  
auxerunt. NAE. Quàmmultum? AN. Eorum ope-  
ra & industria in usum medicinæ uenerunt Muscus,  
Ambra, Camphora, Cariophyllum, Cassia fistula,  
Myrabolani, Tamarindi, Senæ, nux Indica, nux uo-  
mica, Zedoaria & quædam alia, quibus hodie fre-  
quenter & non infeliciter utimur. Nonnulla etiam  
accuratius quàm Græci tractarunt. NAE. Ea o-  
mnia tanta sunt, ut ipsa non magnus liber caperet.  
Quæ ut quis colligat è re eorum, qui suum studium de-  
derunt medicinæ, esse puto. Quod tu Ancon facile fa-  
cere posses, qui in Arabum libris diligenter uersatus  
es, & latina præterea calles. AN. Ego uero non  
sum

sum cupidus istiusmodi laudis, quæ multò maximis ca-  
lumnijs querenda est. B E R. Colligas non ut edas,  
sed ut amicis communices. A N. Considerabo quid fa-  
ciendum sit. N A E. Ad latinos transeo, inter quos  
Cornelius Celsus Hippocratem ferè transtulit. Plinius  
autem Dioscoridem, tametsi ipse dißimulauerit, &  
Colenucius fortiter neget. E iunioribus autem Nico-  
lus Florentinus idem conatus est efficere, quod apud  
Græcos Oribasius, apud Arabes Rasis. Hunc immen-  
sa scriptorum turba consequuta est, quorum pars in-  
finitis quæstionibus dialecticis medicinam nobis ualde  
implicatam reddidit & obscuram. Pars quomodo  
ipsa exercenda sit barbare & inepte tradididit, in  
quibus quod molestissimum est, eadem sexcenties re-  
petita iuuenies. Post quos omnes quise putat de medi-  
cina aliquid dicere uel scribere, nisi quid noui affe-  
rat, nonne ineptus erit & molestus? A N. Ita est,  
sed equidem uellem aliquem esse, qui rem medicam o-  
ptima quæq; è scriptoribus omnibus excerptendo, la-  
tinis literis illustraret, nè semper nobis Græcæ lin-  
guæ ignari in istis uersandum esset, qui mihi cum ar-  
ti ipsi percipiendæ, tum latino sermoni multum office  
re uidentur. Longe autem magis è re studiosorum es-  
set te Næuum hæc ipsa facere, quam me ex Arabibus  
quædam colligere. N A E. Tantam eruditioñem mi-  
hi non esse uideo, quæ ad hanc rem pro dignitate tra-  
ctandam sufficiat. Sunt optimæ spei iuuenes, qui hoc  
præstare poterunt, inter quos primas tribuerim Io-  
anni Clementi Anglo, quem nescias an Græcia an La-  
tium rectius sibi uindicet, ita est utriusque linguae &  
medicinæ peritus, prudens præterea & integer. Se-  
cundus

tundas Petro Brissoto Gallo, qui quantum in medicina posset nuper unico illo libello, quo tractat utrius uena brachij in pleuritide incidenda sit, declarauit, quanquam hoc idem Matthæus Curtius acerrimi uir iudicij, & Galeni studiosissimus ante multos annos Papiæ, & ab hinc quinquennio Patauij fecerit. Sunt alij multi iuuenes medicinæ studiosi, & Græce ac Latine docti, partim nobis uisi, partim sola nominis fama cogniti, quos omnes nunc recensere nimis longum es- set, nec dubito inter eos unum aliquem futurum, qui aggrediatur utile illud opus & præclarum. Si uero maturioris ætatis uiros, qui hoc faciant, uelis, sunt in Gallia Copus Basiliensis, & Ioannes Ruellius, alter Galeni, alter Dioscoridis interpretatione nobilis. In Italia Ioannes Manardus, qui doctissimas epistolas nuper edidit, & alia quædam scripsit pondum edita. Et Baptista Opizo, cuius uiri prudentiam & uitæ integritatem, an insignem utriusq; linguae eruditio- nem, ac summam in medendo felicitatem magis admi- reris dubites. Magni nominis uel nunc est apud Vene- tos, maximi futurus, si se à morbis curandis quantum posset, non abstraheret, ut bona studia promoueat. Nam huius potissimum opera, & Anglorum quorun dā, maxima Galeni pars in chartis impressa legitur. Leoncenus autem & Linacer, qui ante paucos an- nos obierunt, nisi studia medicinæ interpretando Ga- lenum iuare maluissent, utriq; illud idem efficiendi non tam facultas defuisse uidetur quam uoluntas. A N. Utinam id ipsum aliquando fieret, tum enim paucis latini contenti, medicinam sic disceremus, ut eam augere studio plura quotidie inueniendi, non cor- rumpere

rumpere ineptis quæstionibus, quod nunc ferè fit, enī  
teremur. Si uero aliquem Græcorum scripta delecta=  
rent, ut non possunt non delectare, is si Græce sciret,  
ipsos in sua lingua: si nesciret, optimas quasq; conuer  
siones legeret. Quod si Arabes etiam placerent, re=  
mitteremus ipsum uel in Arabiam. B E R. Tunc mi=  
hi quoq; medicorum decreta percurrere liberet, nūc  
uerò quoties in istos incido, toties mihi nauseam mo=  
uent, nec ultra possum pergere. Verum tu interea no  
bis summatim uires tum molybdænæ, tum pyritæ ex  
plicabis. Nam quo sæpius eadem aut audieris, aut le=  
geris, modo in tempore & latine dicantur, eo firmius  
in memoria insidebunt. N A E. Quia ita uis dicam,  
sed paucissimis, multis enim neq; decet, neq; libet. Itaq;  
Molybdæna uires Lythargyro, quod medice tempe=  
rationis est, similes, ut Galenus scribit, habet. Ab ipso  
tamen parum ad frigidum inclinat, neq; illas abster=  
gendi uires habet, quinetiam densarum magis par=  
tium est. Quod si ex eo emplastrum adiecto oleo &  
aqua conficeris, multò erit utilius, quam si acceperis  
in id Lythargyrum, his præsertim qui molli sunt car=  
ne, quales sunt pueri, mulieres, uiri etiam candida ad=  
modum cute, quorum plures habere frigidissimam  
quamq; regionem uidemus. Igitur prohibemus iam  
dicto emplastro, ne quid inflammat & ulceratis par=  
ticulis influat, aut si quid influxerit, id ipsum in loca  
quæ in circuitu sunt reprimimus. Hæc de molybdænæ  
nunc sufficient. B E R. De pyrite quid habes? N A E.  
Ipse insignem uim discutiendi ea, quæ coierunt in ali=  
qua corporis parte, habere traditur, quamobrem ei=  
us generis emplastris utiliter miscetur. Quomodo ue=  
rò cre=

ro cremandus & lauandus sit ante quam in emplastru  
injciatur tam Galenus quam Dioscorides diligentis-  
sime scripsierunt. Quos si legeris, nica non multum,  
quod ad uires harum rerum pertinet desiderabis.  
BER. Ancon quid Arabes de his scribunt dicet. AN.  
De molybdæna apud Arabes, quod & ante dixi, ni-  
hil esse scio. De pyrite autem eadem ferè, quæ Græci  
scribunt. Magicum tamen quiddam adiiciunt, quod  
si audire uobis collibitum fuerit, dicam. BER. Dicas  
rogo. A N. Infans qui collo appensum pyriten ge-  
stat, lemures & lamias non timet, sed tu perge ad re-  
liqua. B E R. Sedete primum. A N. Fiat. B E R.  
Argenti rudi genera apud nos multa sunt, nec ea o-  
mnia ueteribus forte cognita, quorum alterum ab al-  
tero colore potissimum discerni potest. NAE. Quid  
argentum rude appellas? apud fabros argentarios  
aut certe monetales, argentum iuxta Varronem non-  
dum flatum signatumq; ita diceretur. B E R. Scio,  
sed permitte mihi, ut nunc sic nominem id quod argen-  
tum quidem est, sed colore adhuc differt. Et ad hoc,  
ut argenti colorem, qui albicans, ut nostis, est, acqui-  
rat, indiget excoctione. NAE. Nos hæc nouitas mi-  
nimè offendit, & facile tibi permittimus, ut post hac  
sic loquaris. Vide modo, ut alij id tibi permittant.  
BER. Nominent ipsi ut uelint, modo inter nos de re  
ipsa constet. Argenti igitur rudi genera colores di-  
stinguunt ruber, plumbeus, niger, purpureus, cinera-  
ceus, ruffus. Atq; hic rubrum primo licet uobis cerne  
re. NAE. Apparet carbunculi aliquod genus esse.  
BER. Omnino, attamen carbunculus plerumq; acris-  
us, hoc languidius refulget. Inuenitur autem id ipsum  
uarijs

uarijs modis. Modo enim in nigrore quodam quasi lu-  
cet, modo saxi aliquod genus eius ueluti scintillæ quæ  
dam amplectuntur, modo solidæ ipsius massæ ad saxa  
adhærescant. Est uero id interdum simplex, inter-  
dum altera sui parte quæ prominet in mucronem qua-  
si turbinatum, altera materiam aliquam, quam uenæ  
simul continet complectitur: atq; ita iam quadratum  
in modum tesserae esse solet, iam sexangulum ut Ada-  
mas, frequenter plures & inæquales angulos, ut I-  
ris habet. Præterea idem admiranda quadam pulcri-  
tudine cœruleo confersum conspicere licet, uidetur  
que mihi natura ipsa tantis operibus perficiendis qua-  
si defessa, iucundissimis picturæ floribus se recreasse.  
Atq; haud scio an ars summo etiam conatu eam pul-  
critudinem assequi possit. Hic autem aliqua eius gene-  
ra uidetis, alia alijs locis uidenda erunt. NAE. Co-  
gnouerunt ne hoc argenti genus ueteres? BER.  
Non, quod ego sciam, nisi Theophrastus de lapidibus  
eius mentionem fecisse uideri possit, cum de his loqui-  
tur qui aurum & argentum in se continent, è fodinis  
metallicis effossi, his ipsis uerbis: Gemma alia est co-  
lore prunis assimilis. AN. Quantum de sua mole de-  
perdit dum excoquitur? BER. Parum admodum, ut  
etiam plumbei coloris syncerum & solidum. uapores  
enim calidi & sicci, è profundo terræ excitati, suc-  
cum, è quo natura argentum conglutinavit, hoc mo-  
do uarijs coloribus pro sua uarietate timixerunt. AN.  
Tecum, ni fallor, sentiret Aristoteles, sed est ne ali-  
quis eius usus, præterquam quod argentum ex eo ex-  
coquitur? BER. In picturis. Siquidem nobilis color  
ex eo conficitur, minio quod ueteribus tantopere ce-  
lebratur,

lebratur, non inferior, sandleracē uero etiam superior. NAE. Haberet forte & in medicinis locum? BER. Quis negaret cum nemo adhuc expertus sit? Sed ad alterum genus transeo, quod plumbico colore esse dixi, quodq; hic uidetis. NAE. Galenam plane refert. AN. Imò Galena ipsa est. BER. Non est. AN. Mibi quidem ita uidetur simile ut aqua aquae, lac lacti. BER. Simile admodum est fateor, non tamen idem. Age canes lupis interdum similes sunt. AN. Recte. BER. Nunquid etiam eosdem dicemus? AN. Minime. BER. Napi etiam rapis similes. AN. Sunt quidem oblongis & gracilibus. BER. At quis eadem esse diceret? AN. Nemo opinor, nisi imperitus aliquis medicus. Nam hortulani & rustici ipsi primo statim aspectu discernunt. BER. Ita nec hoc genus argenti quia simile sit colore, idem cum plumbagine esse recte possumus dicere. NAE. Est ut dicis, non enim si quid cui simile est, idem plane esse necesse est. AN. Qui igitur distinguitur à plumbagine? BER. Suas quasdam notas habet, quae interdum perdifficliter, internoscantur tamen, sed profectò non nisi à uiro in harum rerum cognitione ualde exercitato. AN. Notas igitur ut das rogo, quibus alterum ab altero possit internosci. BER. Dicam, ut colore multum inter se, quemadmodum uides, conueniunt, ita reliquis omnibus quam maximè differunt. Galena friabilis est, & cultro uulnerata dissipilit. Hoc argenti genus non ita terri potest, & cultro diffinditur perinde ac plumbum, atq; dentibus compressum dilatatur, quod Galenæ contingere non solet. AN. Bene distinguis, nunc plane diuersum quiddam à Galena esse cognoscō.

D

sco.

sco. B E R. Inuenitur & hoc uaria ratione. Inter-  
dum enim massæ miræ magnitudinis in cannalibus ue-  
narum, tanquam in nido quodam, reperiuntur. Inter-  
dum ut gemmæ ex arboribus pullulas cunt, ita ipsum  
admiranda rotunditate ad saxa adhærescit, & in i-  
psis continetur. Præterea uirgulas exprimit, ac uae-  
rias quasdam figuræ. Vidimus apud Bartholomæum  
Bacchum è fodina, cui Constantino nomen esse ante  
diximus, effossum, quod planè referebat ligonem &  
malleum, quæ instrumenta metallica sunt. Crederes  
apud fabrum argentarium ita conflata. Sic natura  
Iusus suos uidetur exercere, nisi quis istiusmodi fortui-  
to fieri malit. Deniq; eiusdem tenuissimæ bractæ &  
xi aliquod genus amplectuntur. NAE. Hoc ueteris-  
bus, opinor, incognitum fuit. B E R. Idem ego sen-  
tio. Sed ut institutum ordinem persequar, tertium  
iam inspicite genus, quod nigrum est. NAE. Quid  
in nigrore ita lucet? B E R. Illud ipsum genus est,  
quod modo Galenam referre, plumbeoq; colore esse  
dixi. Pari ratione rubri etiam scintillas & natura  
candidi in se continere solet. Atque quo magis his ipsis  
abundat, tanto plus argenti, dum in fornacibus exco-  
quitur, reddere solet. Purpureum autem quod & i-  
psum argenti non parum habet, in montis Turcici fo-  
dina, cui à Schonbergio quodam nobili nomen posi-  
tum, conspicere liceret. NAE. Ne hæc quidem Pli-  
nius cognouisse mihi uidetur. BER. Recte dicis. Idem  
tamen cineraceum & ruffum nouit, quod his uerbis  
apertè indicat: Terra est alia ruffa, alia cineracea.  
Cineraceo certò, quod hic uidetis suis honor est. Nā  
persæpe argento diues est, maxime cum subduruñ fue-  
rit ut

rit ut cultro secari possit. Si uero molle fuerit, et te-  
nuissimæ bracteæ argenti plumbei coloris in ipso  
splendent, etiam tum abunde argentum ex eo exco-  
quitur: quod si eiusmodi non adsint, minus. Restat  
ruffum, quod uel ipsum, quanto plus argenti aliorum  
generum in se continet, tanto argenti maior ex eo co-  
pia fit. Sed illud uidere nunc non possumus. NAE. Vi-  
debimus suo tempore et loco, Plinius potissimum gra-  
tia, qui non nisi e duobus his terrarum generibus, et  
Galena argentum excoqui posse nouit, aut certe me-  
moriæ, si ex alijs fieri nouit, tradidit. BER. Sentis  
idem quod ego. Sed antequam ex hoc domicilio egre-  
diamur, genus quoddam præterea uobis ostendam,  
quod metallorum in numero est, sed ueteribus, ut mihi  
uidetur, incognitum, Bisemutum nostri appellant.  
NAE. Plura igitur quam hæc peruulgata et nota  
septem, tua sententia, metallorum genera erunt. BER.  
Plura arbitror, nam hoc quod modo Bisemutum no-  
stros appellare dixi, neque recte plumbum candidum,  
neque nigrum dicere potes, sed ab utroque distat, et ter-  
tium quiddam est. Siquidem, ut cætera quibus ab his  
ipsis differt taceam, plumbum candidum eo candi-  
dius, nigrum obscurius, ut uidetis, est. NAE. Vide-  
mus quidem ipsum Galenæ etiam colore simile. AN.  
Quomodo uero Bisemutum, ita enim appellare tu ui-  
debare, à Galena discerni potest. BER. Facile, cum  
id ipsum manibus tractaueris, eas nigrore quodam, non  
si planè solidum fuerit, inficit. Solidum uero friabile  
ut Galena non est, sed secatur. Nigrius autem aliquan-  
to est argenti rudit genere, quod plumbi ferè colore  
esse diximus, atque ita ab utroque sciungitur. Continet

D 2

uerò

uerò in se non raro aliquid argenti. Quo etiam loco effoditur, argentum plerunq; subesse significat, & ob id metallici nostri teclum argenti ipsum dicere con-  
sueverunt. Torrere idem solent, atq; ex eius potiori parte metallum, è uiliori cærulei quoddam genus non contemnendum conficiunt. NAE. Possunt ne ex hoc genere metalli, ut ex utroq; plumbo uasa constari? BER. Possunt, nam aliqua eius portione ad plum-  
bum adiecta, pocula fiunt haudquaquam ingrata. AN. Evidem nec apud Arabes, qui aliquot seculis Chymicen Græcos imitati præ cæteris diligenter tractarunt, mentionem ullā huius metalli factam scio.  
Quare in paucis regionibus ipsum reperiri & mihi persuadeo. BER. Si Chymistæ id non numerant, ne-  
que inter corpora quæ apud eos sex sunt, neq; inter spiritus siue animos, quos & ipsos numero definitos habent maxime Græci & Arabes, desperarem apud uetusiores tum philosophos, tum medicos reperiri. Sed iam uidisti argenti materiam quæ in hoc domi-  
cilio est. NAE. Quantum argenti ex ea excoqui-  
tur? BER. Certo scire non possum, coniectura ta-  
men id indicabo, ultra duo milia pondo, NAE. The-  
saurus est. Vestri felicius ἀγρυποποιόν exercent,  
quām indocti isti & inepti Chymistæ. AN. Nec mū-  
rum est eos nihil efficere, qui quām longissimè à sco-  
po, qui ab Arabibus præscriptus est, aberrant. BER.  
Neque Græcorum uestigia consequantur, sed nugis quibusdam & deceptionibus iuniorum credunt, qui artem penitus deprauarunt. NAE. Chymicen relin-  
quamus, ne vestri audientes nos rideant. Nostis enim  
ipsam ualde irrideri & multis suspectam atq; iniuisam  
esse.

esse. Non exiges h̄ic à nobis ut aliquid de viribus ha-  
rum rerum quas nobis indicasti, dicamus. Nam ueteri-  
bus, ut ipse nosti, magna ex parte incognitæ fue-  
runt. Quamobrem surgendum nobis est, et alio cune-  
dum, ubi plura uidere poterimus. BER. Eamus ad  
proximam fodinam, quæ caput aliarum est. AN. Re-  
cte. NAE. Primo nō conspiciemus h̄ic ea, quæ in tu-  
mulo egisto sunt circum casam? BER. Ea alibi uide-  
ri poterunt atq; etiam commodius et melius. Sed in-  
grediamur in præsidis huius fodinæ domicilium. AN.  
Mihi placet, si Nævio non displicet. NAE. Minime  
quām multi h̄ic quoq; aluei et moduli sunt argenti  
materia referti, quod genus hoc est quod argenti co-  
lorem habet? BER. Argentum est. NAE. Quid  
h̄ic agitur cum argento excocto, ubi nec fabri argen-  
tarij sunt, neque officinæ, opinor, monetæ cudendæ?  
BER. Excoctum non est, sed sic planè ortu genera-  
tum. Vidēsne hac parte saxi quippiā ad ipsum adhæ-  
rescere? NAE. Video. AN. Quām multa uident in  
aliquo genere exercitati, quæ rudibus et inexerci-  
tatis penitus recondita esse solent. Nam non modo  
Næuius, sed ego etiam non aliud quām argentum ex-  
coctum id esse putassem, nisi tu clare, ut soles, ostен-  
dissestaxi, à quo abreptum est, aliquid ipsi adhære-  
re. NAE. Bermanno, his uisis, non possumus non  
credere, sed Plinius prorsus ignorauit argentum,  
quod sine opificio fornacū suum est reperiri, id quod  
hæc uerba satis declarant. Non nisi in puteis reperi-  
tur, nullaq; sui spe nascitur, nullis, ut in auro, lucen-  
tibus scintillis. Terra est alia rufa, alia cineracea.  
Certe si fodinas nostras inspexisset, nunquam illum

hæc ipsa scripturum fuisse arbitror. B E R. Quid  
Scintillas argenti negat in uenis inueniri? cum non mo-  
do tantæ, quantas nunc cernitis, massæ ex hoc puto  
effosse fuerint, sed quæ plus quam duo talenta, quod  
permulti uiderunt, penderent. NAE. Nunc intelli-  
go Plinium, uirum alioqui diligentem & doctum,  
multa ignorasse, in rebus præsertim metallicis, & ea  
solum quæ uel apud Græcos legerat, in latinam lin-  
guam transtulisse, uel quæ apud Hispanos in metallis  
esse sciuerat, scripsisse. Iam apud Græcos scriptores  
nusquam quod ego sciam, legitur argentum purum è  
fodinis effossum, neq; apud Hispanos idem fuisse ex  
Plinij scriptis, satis liquet. B E R. Credo, neq; etiam  
in omnibus Germaniæ fodinis reperitur, sed circa  
Boëmiam modo, ut hic in Sudetis montibus & olim  
Snebergi, ubi è fodina quæ Georgius appellatur, tan-  
ta eius copia, quanta ex alia nulla in Germania un-  
quam effossa fuit. Siquidem aliquando, ut accepimus,  
tantam massam è uena exciderunt, ut Albertus Saxo-  
niæ princeps, qui præ cæteris Germaniæ principibus  
hominum memoria tum admirabili quadam belli ge-  
rendi laude, tum diuitijs plurimum floruit, qui que  
Georgij qui nunc rem prudentissime administrat pa-  
ter fuit, cum ipsius uisendi gratia in eam fodinam de-  
scendisset, curauerit sibi cibum & potum deferri: at-  
que ipsa pro mensa cum suis usus ita locutus esse fer-  
tur. Fridericus imperator potens & diues est, eiusmo-  
di tamen mensam hodie non habet. Hæc Albertus tum  
magna admiratione tantæ molis commotus. Me uero  
cum in summam quandam id argenti quod effossum  
fuit, colligi Snebergi audirem, longè maior cœpit ad-  
miratio.

miratio. NAE. Inaudita multis narras, sed quod pon  
do hæc massa penderet? BER. Decem paulo am-  
plius opinor. NAE. Grauis est. BER. Huius ge-  
neris argenti quod sui coloris est, unciam, si drach-  
mam medium remiseris, fabri argentarij pro argento  
excocto emunt. Quæ idcirco condonari solet, quia  
saxi à quo abscissum est, pars aliqua, quod modo uidi-  
stis, ad ipsum fere adhærescit. Præterea tenuissimæ  
etiam argenti puri bracteæ, saxi aliquod genus am-  
pleteentes, quales hic cernitis, crebro, ut neget Plinius  
inueniuntur à nostris. NAE. Evidem nunc  
Germaniam cæteris regionibus omnibus & præstan-  
tius argentum habere, & ipso magis abundare pro-  
nunciare ausim. BER. Mecum planè sentis. Atque  
idem argentum purum iam uirgularum, iam capillo-  
rum speciem præse fert. Sic nonnunquam globū quen-  
dam, è minimis huius quasi filis connexum, candidissi-  
mum inuenies, interdum subruberum. Hoc etiam ge-  
nus argenti admirando naturæ artificio alicuius inter-  
dum instrumenti, aut arboris figuram uidetur refer-  
re, id quod nos non sine summa animi delectatione ui-  
dimus. NAE. Non possunt non delectare illa natu-  
ræ opera uirum philosophiæ studijs deditum, qualem  
te esse dudum ex his nostris sermonibus animaduerti.  
Sed age uidi nunc ut aurum purum, de quo Plinius &  
Strabo scripserunt, quodq; nuper quidam à Cottene-  
heida allatum mihi ostendit, ita & argentum sine for-  
nacum opificio inueniri. Cupio ex te scire an alia me-  
talla quoque ita perfecta in suis uenis reperiantur.  
BER. Aes non modo in ærarijs metallis, sed argen-  
tarijs etiam. AN. Si bene memini Albertus sic effos-

sum, ut cum substantia lapidis mixtum non esset se uide  
differe negat. BER. At uos nō negabitis. NAE. Quām  
uellem ipsum uidere. AN. Et ego. BER. Si uultis  
referamus pedem atque ad Apollinem, quæ decimum  
huius uenæ demensum est, accedamus. NAE. Ea-  
mus, tu interea nobis dicas rogo quid paulo antè ue-  
næ extensionem & caput, atque fibras appellabas.  
BER. Volo quidem uobis dicere quid metallici ita  
nominare solent, sed uerbis nouis ut utar necesse est,  
quod ista ueteribus satis explicata aut non sint, aut si  
maxime sint, non extant. NAE. His tuo modo uta-  
ris, nihil nos offendit, res enim ipsas cognoscere per-  
cupimus. BER. Qualibet uena persaxa montis in  
longum extenditur, quod uenæ extensionem nostros  
imitatus appello. Venarum igitur omnium, quantum  
in extensione, longe est optima quæ ab oriente in oc-  
cidentem extenditur per montis declive, ita tamen ut  
dorsum montis uersus meridiem sit, declive uero ipsius  
in septentrionem sensim inclinet. Proxima uero bo-  
nitate est, quæ à media aliqua orientis & meridiei  
parte, in medium rursus occidentis & septentrionis  
extenditur, atq; eiusmodi est huius uenæ, quam Stel-  
lam uocari dixi. Relique autem quanto plus à dictis  
illis recesserint, tanto minus argenti feraces esse so-  
lent. NAE. Intelligo utcunq; quid uenæ extensio-  
nem dicas, quodq; loci situs non parum ad ortum me-  
tallorum faciat. Quid uero caput ipsius uenæ sit, sci-  
re etiam cupio. BER. Suam quæq; uena pendentem  
& iacentem partem habet, utar posthac pace ue-  
stra his uerbis: Iacens est in quam uena ueluti recum-  
bit. Pendens uero, quæ uelut tegumentum uenæ sur-  
sum in-

sum incumbit. Itaq; uenæ caput semper ex iacente i= p̄sius iudicandum erit. Verbi gratia: Iacens uenæ uer sus septentrionem est, totius item uenæ caput uersus septentrionem erit. Sed ista sat scio difficultia nunc uo bis uidentur, quibus si assueti fueritis, erunt facillima.

NAE. Mihi certe multum implicata esse apparent. Sed quas fibras dicas. BER. Dicam & hoc quod me lius uos intelligeris, quos humani corporis sectionem persæpe uidisse credo. Ut animantis corpus uenas quasdam habet magnas, à quibus uenulæ, perinde ac è trunco arboris oriuntur rami, deriuari solent. Sic ue nae metallicæ suas etiam habent, siue uenulas, siue fibras appellare uelis, atque eas diuersas. Aliæ enim transuersæ sunt, aliæ obliquæ, aliæ paulatim se uenis ipsis iungunt, aliæ eisdem incumbunt. Sed iam ad A= pollinis casam peruenimus. AN. Ingrediamur. BER. Vide nunc æs, quod sine excōctione tale est. NAE. Vbi? BER. Accede propius, & ad me inspice. NAE. Virgulæ studio & arte inter se implicatæ uidentur, certe nisi saxi pars adhæreret uix crederem ita è ue na excisum. BER. Cernas etiam ut bracteæ eius te= nuißimæ saxi genus quoddam amplectuntur. NAE. Video eadem ratione qua auri & argenti. AN. Va= leat Albertus isto etiam loco. BER. Sic quoq; ar= gentum uiuum sui coloris sine excōctione inuenies ali= quando intra metalla in lacubus, in quos è fibris efflu xit, quod Plinius cognouit, scribit enim: Est & lapis in ijs uenis, cuius uomica liquoris æterni, argentum uiuum appellatur. Solet idem id quod natura sua ui et sponte creauit, argentum uiuum, quod ars è minio si= ue uena minij confecit hydrargyrū nominare. NAE.

Noui atq; ob id à Leoniceno viro doctissimo iure rea  
prehenditur. Nam tam natuum quām factitium Græ  
ci ὑδρόστρογον, latini argentum uiuum appellant.  
BER. Tu audes ista loqui? non times Collenucium?  
NAE. Neq; is ausus fuit hac parte Plinium, quem in  
multis alijs acerrime conatus est, defendere. Sed pro-  
fecto nobis omnibus Collenucius aliquis timendus est,  
qui consensimus Plinium multa in metallis ignorasse.  
BER. Pugnet aliquis quantum uelit, ueritas ipsa, quæ  
potior Plinio est, nos defendet. Sed ferri quoq; mas-  
sæ puri & grana quædam parua, quod Albertus no-  
uit reperiri certum est. Verum hæc tria aurum, ar-  
gentum, æs, præterquam quod statim sua sunt, è di-  
uersa materia excoquuntur. Plumbum autem nigrū,  
quod Græci μόλυβδον uocant è Galena & pyri-  
te, ut candidum quod ijdem κασίτηρον è nigris la-  
pillis paulùm candore, ut Plinius ait, uariatis, conflas-  
ri nouimus. At pura in uenis inueniri nunquam neq; ue-  
dimus, neq; audiuiimus. NAE. Quod tu modo plum-  
bum candidum, hodie tam docti quām indocti stan-  
num appellant. BER. Quām latine & proprie uide-  
rint ipsi, mihi certe stannum aliud quiddam uidetur  
esse. NAE. Tua Pliniij sententia firmare posses.  
BER. Aliorum etiam, qui mecum faciunt. Sed de his  
alijs plura dicemus. Lapilli autem nigri è quibus plu-  
bum album conficitur, insignis magnitudinis Slac-  
chenbaldi & Irberesdorfi, quod non longè Næui à  
patria tua situm est, reperiuntur quos te credo uidis-  
se. NAE. Memini me uidere. BER. Quemadmo-  
dum uero in dictis locis maximi, quos conspicere mihi  
licuit.

licuit reperiuntur, sic alibi nonnunquam ita parui ut  
barena esse appareat. Sunt uero in mixtura quæ hoc  
modo se habere solet. Pyrites & saxi genus quoddam  
arenosum simul cum lapillis nigris ita plerumq; com-  
mixta sunt, ut quodque genus sensu oculorum statim  
possis distinguere, licet interdum uidentur multum in-  
ter se confusa. Quam mixturam ut lapillos nigros se-  
parent, torrent, tundunt, molunt, lauant, urunt, atq;  
uix tandem ex ipsis plumbeum candidum excoquunt,  
& certe, si quod aliud, hoc metallum multa præpara-  
tione indiget. N A E. Eiusmodi omnia cum mihi ad  
patriam proxime accedere licebit, diligentius quām  
hactenus considerabo. A N. Breui iter per Irberes-  
dorfum faciam, utinam tunc aliquis mihi continga-  
ret, qui ipsa posset indicare. B E R. Permulti pos-  
sunt. Sed ut latine res ipsæ dicantur uobis consideran-  
dum erit. A N. Eas primò qua potero diligentia in-  
quiram, deinde cum ad te rediero de nominibus dispu-  
tabimus. Sed quid iam dixisti aurum, argentum, æs,  
ferrum, præterquam quod sui coloris & pura in ue-  
nis reperiantur, è diuersa materia excoqui posse, i-  
psam, et si hic indicare non possis, ut recenseas rogo.  
Proderit enim non parum, cum olim eorum metalla  
inuisimus, hæc ipsa ex te audiuisse. B E R. Non ag-  
grediar ad ea quæ hic non reperiuntur, ut latius ua-  
gando ne errem. Nam nostra uix mihi satis cognita  
& perspecta sunt. A N. Amabo te, ne grauate in is-  
ta re meæ morem geras uoluntati, noui enim hæc tis-  
bi minime esse ignota. B E R. Si ita tibi uidetur dicam  
aliqua. Auri puri massas, quas palacas Hispani dicunt,  
reperiiri cum in fluminibus, tum in ipsis puteis Strabo  
& Plinius

¶ Plinius, quod uobis ignotum non est, afferunt. Eiusdem scintillæ quasi ad saxi quoddam genus candidissimum, quarzum nostri uocant, adhærescit, id Cotteneheidæ foditur, quod te Nœvium uidisse audio. Præterea è pyrite quem Galenæ colore assimilè diximus, & cineraceo, ut ante quoq; audiuitis, conficitur cum in alijs nostræ Germaniæ locis, tum maximè Reichensteini. Postremo terræ genus est purpureum ita uapore & halitu simul temperatum & affectum, ut fœcundum auri sit & facile cognosci possit, ex quo in camino aurum excoquitur. Sed è Chrysocolla quoq; & Ceruleo fit. Aes autem purum reperitur & tenuissimæ ipsius bracteæ saxa, ut uidi sis, amplectuntur: sed fit è pyrite Gairi, Cuperbergi, & in alijs locis, è lapidis fissilis quodam genere Eislebæ & vicinis oppidis. Præterea è terræ generibus luteis & purpureis chrysocolla & cæruleo perinde ac aurum conflatur. Ferri puri massæ & granula quædam, ut dixi, reperiuntur. Deinde è terra rubra ferrugine quadam infecta & nonnullis lapidum generibus conficitur. In eadem ferri uena non raro Magnetem inueniunt, qui etiam non longe hinc Eisenstoci & Suarcenbergi, quæ sunt in ditione du cum Saxonie, effoditur. Hæc generatim dicere queo, reliqua ab his si uidebitur, quibus notiora quam mihi sunt, cum materiam coram intueri licebit, quæritote. NAE. Fiet, interea tuis contenti erimus, igitur perge si quid restat nobis ostendere. BER. Restant inter cætera argillarum uaria genera, quæ colores ut hic uidebitis discernunt. Sunt enim candidæ, nigrae, luteæ, puniceæ, purpureæ, uirides, ceruleæ, cineraceæ.

cineraceæ. NAE. Tenacitas quædam his luteis in-  
est, & fortè sic ipsas quod similes sint his, quibus figu-  
li utuntur, appellas. BER. Recte sentis. NAE. Ex  
ipsis pigmenta fieri posse crediderim. BER. Possent  
si tam humidæ non essent. Sunt uero terræ genera is-  
pis, quod ad colores attinet nō dissimilia, sed sola sicc-  
itate, è quibus conficiuntur colores: quarum quæ  
lutea est ωχσα Græcis, Latinis Sil appellatur, quæ  
cerulea his cæruleum, illis οὐρανον, quæ uiridis utri-  
que genti Chrysocolla, quæ rubea, sandaraca, quæ  
nigra pingitis, quæ candida diuersa nomina habet,  
quæ inuenit partim ex rei diuersitate, partim ex re-  
gionibus, è quibus affertur. NAE. Reperiunturne  
ipsa in fodinis nostris. BER. Magna ex parte ni fal-  
lor. NAE. Quoties ueteres in emplastris coniuncti  
Chrysocollam, Ochram, Cæruleum, terram Lemni-  
am, & rubricam Sinopida. Nam et has in hoc gene-  
re connumerandas censeo. Quod si apud nos inueni-  
rentur, quam utiles medicinæ res restituerentur qui-  
uis iudicare potest. BER. Inueniuntur aliqua meo iu-  
dicio, atq; adeo hanc uenam proximè alia quædam,  
quam Paulinam nostri nominant, diuidit, q; aliquanto  
duriorem materiam habet. Qua de re accedamus ad  
casam demensi secundi, in ipsius enim tumulo nonnulla  
poterimus inuenire. NAE. Per placet nobis, modo  
tibi molestum non sit. BER. Mibi uero molestum es-  
set de his rebus disputare cum medicis, uobis præser-  
tim, quorum tu Næui quantum ex colloquijs nostris  
intelligere potui Græca cum Latinis pariter coniu-  
xisti. Ancon uero philosophorum, maximè Peripate-  
ticorum decreta, si quis aliis tenet. Atq; utinam plus  
temporis

temporis hodie nobis daretur, contemplaremur non modo metallica ipsa, prout se oculis cognoscenda præbent, sed eorum etiam ortum diligentius considerare mus. Nam quod uos minime ignorare credo, magna hac parte inter plerosq; dissensio est, cum & Chymistæ aliud à philosophis sentiant, & inter se ipsi non parum discordent. AN. Ita est, sed nunc species & ipsas rerum formas intueri præstat, quibus cognitis aliâs cum plus ocij nobis erit id ipsum maiori cura & studio inquiremus. NAE. Bene dicis, esset enim de hoc uno metallorum ortu unius diei disputatio. BER. Ascendamus tumulum. Hæc ochra est, siue magis placet Latinum, Sil. NAE. Lutea prorsus est, & ob id Græci ipsam ita uidentur appellasse. BER. Hac pictores uti possent. Sed quia facticia, quæ è plumbo fit, hodie magis ipsis in usu est: aut si qui fossili utuntur, malunt Dacica, siue mauis Vngarica uti, quod cæteris præstare credatur, nec ita magno precio uendantur, fit ut hæc neglecta iaceat, nec ab aliquo ferè colligatur. NAE. Dioscorides Atticam genere in usis medicinæ probat. Verum quia ipsa non affertur hac nostra aut Dacica uteremur in emplastris. BER. Quid nî? Nam Vitruuij temporibus Attica quæ optima fuerat, non habebatur quod argenti metalla iam tum, cum ille scriberet, essent relicta. NAE. Quia cum Hermolao Barbaro Venetorum doctissimo id quod Græcis ωχσα est, Latinis Sil esse putas: Sil Plinio limus est, hæc uero aridior est quam ut limus dici possit. BER. Quid mirum? cum idem diuersa Silis genera recenseat, inter quæ erat marmorosum, censes ne ipsum quoq; limum fuisse? NAE. Non uidetur.

BER.

BER. Nec fuit, quoniam marmor, dicit, in eo resistit  
amaritudini calcis. Theophrastus terræ genus esse  
scribit, inuenitur apud nos etiam talis, sed hic indica-  
re uobis non possum. E pictoribus præterea nostris  
quidam uel hodie nomine Græco, nostrum annetens  
tes, appellant, intelligis quid dicam. NAE. Intelli-  
go planè. BER. Tu igitur desine dubitare, & uires  
quibus ochra prædicta est nobis dicas. NAE. E Gale  
no nihil afferre possum. Dioscoridis uobis nota sunt,  
qui ipsi uim erodendi ascribit, collectiones & panos  
dißipandi, excrescentias carnium reprimendi, cum  
cerato caua explendi, comminuendi articulorum to-  
fos. AN. Ego ex Arabibus nihil dicere de ochra  
possum. BER. Cæruleum hoc est, quod unà cum  
Chrysocolla lapidi fissili adhæret. NAE. Harenula  
esse apparet. Theophrastus profecto, qui ex diuina  
quadam uero eloquentiae nomen reperit, res bene uide-  
tur cognouisse, cum scribit: Cæruleum est natuum  
quod in se Chrysocollam continet, id quod hic pror-  
sus cernere licet. BER. Id ipsum non postremæ bo-  
nitatis Goldebergi, quod oppidum Silesiæ à monte au-  
ri ferace appellatum, colligitur, ex quo etiam aurum  
fit. Facticij uero multa admodum sunt genera, & in-  
ter ea ualde preciosa quædam. Quorum conficiendi  
rationem partim ueteres norunt, partim Chymistæ  
& ipsorum sectatores inuenierunt, quæ omnia recen-  
sere nunc nimis longum esset. Illud sæpe miratus sum,  
quod uestri Catapotia siue pilulas, ut à forma appel-  
lare soletis, è facticij quodam genere, quod Chymistis  
est, conficiunt. NAE. Ego uero etiam indignor no-  
stris, quod ab errore nondum desistant, quem Leonis

census,

cenus, qui nostra cœtate inter medicos doctus fuit, sa-  
tis declarauit. Armenium sumendum esset, quod equi-  
dem Venetijs apud unum tantummodo medicamenta-  
rium uidi, idq; magnū aestimabat. De cuius purgandi  
ui satis scripsit Aëtius maximè è Nephose. AN. Ex  
Arabibus quidam utriq; purgandi uim adscripserunt.  
Nam sunt apud Mesuam pilulæ tam è Cœruleo, q; ex  
Armenio. NAE. Esto, hoc tamen Chymistarum cœ-  
ruleum in eas coniiciendum non esset. Sed bac de re  
alias diligentius & copiosius differemus. BER. Tu  
igitur nobis Cœrulei uires dicas. NAE. Discutien-  
di uim habet præcipuam, quamuis non nihil astrin-  
gat. In emplastris hoc nostro uel alio quodam foſili  
uterer, pictorib. uero facticij genera oīa relinquere.  
BER. Tecum sentio, sed & pictores interdum foſi-  
li utuntur. NAE. Credo, Chrysocolla autem ipsa ſa-  
tis uiret. Dioscorides primas tribuit Armeniacæ, fe-  
cundas Macedonicæ, tertias Cypriæ, uerum ex his  
locis hodie non aduebitur. BER. Dacica bona est,  
quamuis & in nostris fodinis, potissimum ærarijs, nō  
contemnenda colligi poſſit. NAE. Quæ in his inue-  
nitur, eam Plinius cæteris præfert. Secundum locum  
argentariæ, tertium aurariæ, postremum plumbariæ  
adscribit. BER. De facticia, cui idem nomen Pli-  
nius & Galenus uester imposuerunt, cum Dioscori-  
des ipsam inter æruginis genera numeret, nihil nunc  
dicendum puto, nam ea fabri aurarij utuntur. NAE.  
Medici quoque ut ibidem Galenus satis indicat. Sed  
haec foſilis uim discutiendi & exedendi habet, car-  
nem etiam excrescentē coercet, nec tamen uehemen-  
ter mordet. AN. Arabes utranq; norunt, erosioni  
autem

autem dentium & dolori eorum conferre scribunt. Sed præter cæruleum colorem, & viridem, tertium quiddam candidum, scintillarum modo, in hoc lapide lucet. BER. Est ut dicas, atq; id ipsum Latini, ut op̄ nor, micam appellant, metallici Germani & micam, & felium argentum: sed suæ linguae nominibus. Argentum quidem, quod colore argento ita simile sit, ut pueros & rerum metallicarum imperitos decipere possit. Felium uero, siue à similitudine quodd eorum oculi etiam noctu radiant, siue quodd cassum quiddam & inutile hac uoce significare uolunt. Nullum enim utilitatis fructum præbet his, qui uenas excoquunt: quodd totum eius corpus ignis consumat. NAE. Natura certe in intimis terræ receſibus se oblectare quasi uidetur pulcerrimis iſtis coloribus. Nec minus ut equidem sentio, admiranda quam dum flores, varie coloribus distinctos gignit. Verum restat, ut nobis Sandaracam & terram nigrā ostendas. BER. Plinius Sandaracam inueniri in aurarijs & argentarijs metallis scribit. NAE. Memini. BER. Dioscorides autem cinnabaris colore ipsam esse tradit. NAE. Ne hoc quidem me latet. BER. Iam tale quippiam & in nostris fodinis non raro reperitur, atq; hic opportune id ipsum uidetis. NAE. Harenula uidetur, sulfuris uero uirus, quod Dioscorides ei tribuit, no olet, neq; forte inter ea quæ ignem passa & adusta dicuntur, recte numerari potest, qd igitur dicemus? Theophrastus certe tum ipsam, tum Auripigmentum puluerem esse scriptum reliquit. AN. Arabes lapidi ſpeciali auripigmentum ad crustas respiciētes simile dicunt. BER. Certe non nihil simile est, niſi quod la-

pis specularis eam pinguitudinem non habet. Sed quætu Næui modo dixisti faciunt, ut ipse quoq; hoc loco hæream, neque quicquam affirmare ausim. Sed Plinius forte Sandaraca erit, quam reperiri in metallis aurarijs & argentarijs, ut diximus, scribit. NAE. Nec mirum esset hanc ipsum appellare Sandaracam, quando idem & Vitruvius id etiam quod fit ex cerussa in fictile coniecta, ac super carbonibus quoad colorem rubrum duxerit, cremata, Sandaracam ob similitudinem coloris nominat. BER. Id ipsum Dioscorides Sandicem appellari à quibusdam scribit. NAE. Sed Plinius Sandicem aliter fieri uult, utpote si adulterina hæc, quam tamen fossili præfert Vitruvius, Sandaraca torreatur æqua parte rubrica ammixta. BER. Nec ego hanc, quam uobis ostendi, uires quas Dioscorides ipsi adscribit, facile crediderim habere, quare ipse de sententia decedam. NAE. Itane facile cedis? pugnaturi tecum eramus, & quidem acriter. BER. Pugnetis licet, non repugnabo. AN. Minime uero, siquidem ferocis & plusquam inhumani est, eum qui se supplex ad pedes abiecerit & manus dederit, ultræ lanceis confodere. Satis nobis est, quod argumentis nostris de sententia deductus sis. NAE. Non facis Bermannus id quod nostri facere solent, qui quod semel statuerint, & si quis ipsum dilucide falsum esse docuerit, non modo non repudiant, sed sicut caput & famam defendunt. BER. At illud nemini qui bonus uir haberi & esse uelit, licere puto. Mihi uero etiam non libet, si quam maximè liceret. NAE. Ex hac tua Sandaraca color fieri posset satis gratus. BER. Posset, sed quia ex hoc congressu ego fauciis discedo, si

do, si adessent qui Sandaracam argentum rude ru-  
brum dicunt, prorsus profligarentur. NAE. Quid  
dicis? repetas rogo. BER. Dico ut nunc uos à me  
dissidetis, ita nec me assentiri his qui hæc nuper assere  
re cœperunt, Sandaracam hoc argenti rудis genus es-  
se, quod nos rubrum appellauimus, quodd ex eo color  
quo pictores uti possent, non negligendus conficia-  
tur, quod non modo credi, sed omnino dici nō potest.  
Nulla enim ipsi similitudo cum sandaraca est, cum sit  
solidum & planè durum, nisi alijs generibus insper-  
sum sit. NAE. Id genus argenti Sandaracam non es-  
se facile mihi persuaseris. BER. Vos diligenter in-  
quirite num Sandaraca illa Dioscoridis in Germania  
inueniri posset, quæ si inuenta fuerit, non inuitus ce-  
dam, quin etiam iam cedo. Modo uulgas medicorum,  
quod Sandaracam gumæ quoddam, ut audio, esse crea-  
dit, atq; eo ubi Sandaracam scriptum inuenierit, uti-  
tur, resipiat, & suo errori renunciet. NAE. Vereor  
ne eius generis errores permultos in medicina compe-  
rias. In cauſa uero est, quod maxima ex parte medi-  
ci nostri, bonos & doctos uiros semper excipio, adeo  
indocti aut peruvicaces sunt ut malint patriam prode-  
re, quam aliquid quod etiam cum detrimento mole-  
uit mutare. Tuam uero summopere laudo modestiā,  
& istius animi ut semper sis rogo. Nam qui rem non  
satis cognitam quiddam esse affirmare audent, similes  
furiosi uidentur, qui dicunt aliquid quod prorsus nō  
sit uideri sibi. Hoc tamen insanis peiores iudices, quod  
bi quamprimum relaxantur, & se errasse intelligūt,  
& fatentur, illi ferè sic sententiae, quæ semel placuit,  
addicti sunt, ut eam mordicus, etiamsi aperte cognoscant.

uerint falsam, teneant. AN. Mittamus istos, & ad nostrā redeamus. Arabes Sandaracam cum Arsenico confundunt, atq; uno nomine utrung; censem, solo ue  
rō colore distinguunt: nec medici solum, sed & Chy-  
mistæ. Appellant enim Arsenicum rubrum, quod uos  
modo Sandaracam, luteum, quod auripigmentum.  
Auicenna autem album quoq; habet. BER. Ego nun  
quam legi fossile albo colore esse. Fortè ad alterum  
facticij genus respexit. Sunt enim duo, ut scitis, quæ  
Chymistæ conficiunt, unum luteum, alterum album,  
quæ uenena præsentissima esse perhibent, ac hodie so-  
la arsenici nomine appellant. NAE. In eisdem fodi-  
nis in quibus Auripigmentum, Sandaracam nasci Dio-  
scorides scribit. BER. Bene mones. Certe nuper cum  
ad usum Chymeutices auripigmentum emissem, inue-  
ni rubras siue flammæas quasdam glebas. NAE. Id  
erat deterius Auripigmenti genus, quod pallidius esse  
aut Sandaracæ colore, atq; ex Ponto & Cappado-  
cia afferri idem scribit, quodq; glandium modo uide-  
tur concreuisse. BER. Concedo, sed fortassis uera  
Sandaraca nonnunquam inter eas reperiretur. NAE.  
Diligentius posthac considerabimus. Sed cognoscis  
ne gypsum & lapidem specularem, cuius ante men-  
tionem fecisti. BER. De fossili gypso quæris? NAE.  
Planè. Nam Plinius Theophrastum imitatus scribit:  
Et è terra foditur ut in Cypro, summa tellure. Parum  
enim terræ fossores afferunt dicit Theophrastus.  
BER. Reperitur ipsum. Lapis etiam specularis è quo  
id fieri idem Plinius his uerbis tradit: Omnia autem  
optimum fieri compertum est è lapide speculari, squa-  
mam uetalem habente. NAE. Res narras apud uos  
inueniri,

inueniri, quæ in medicina et ædificijs usui nobis esse possunt. BER. Reperiuntur autem in aliquot locis, atq; etiam Albis, ubi in undauerit nonnunquam ipsa se cum uehit. Gypsum uulgo uenditur, et suum nomen apud nostros retinet. Lapidem specularem glaciem Mariæ appellant, de quo Plinius his uerbis diligentis simè mihi uidetur scripsisse: Specularis uero, quoniam et hic lapis nomen obtinet, facilitiori multo natura finditur in quamlibet tenues crustas. Hispania hunc olim citerior tantum dabat, nec tota, sed intra centum milia passuum circa Segobricam urbem. Iam et Cypros, et Cappadocia, et Sicilia, et nuper inuentæ Aphrica: post ferendos omnes tamen Hispaniæ, et Cappadociæ molliſsimis et amplissimæ magnitudinis, sed obscuris. Sunt et in Bononiensi Italæ parte breues, maculosi, complexu ſilicis alligati, quorum tamen appareat natura ſimilis eis, qui in Hispania puiteis effodiuntur profunda altitudine. Nec non et ſaxo inclusus sub terra inuenitur, extrahiturq; aut exciditur. Sed maiori parte foſſili natura absolitus ſegmenti modo, nunquam adhuc quinq; pedum longitudo amplior. Humorem hunc terræ quidam autuant crystalli modo glaciari, et in lapidem concreſcere manifesto appetet, quod cum feræ decidere in putoſ tales, et medullæ ex oſib; earum in eadem lapidis natura post unam hyemem figurantur. Inuenitur et niger aliquando, sed candido natura mira, cuſit mollicia nota, perpetiendi ſolis rigorisq;. Nec ſeneſcit, ſi modo iniuria abſit, cum hoc etiam in cententis multorum generum accidat. Inuenire et alium uſum in ramentis quoq; circum maximum ludis Circensibus

sternendi, ut sit in commendatione candor. Hæc Plinius de lapide speculari, quibus nihil potest esse clarus. NAE. Nostri eius sententiae, quæ putat ipsum crystalli modo glaciari esse uidentur, atque inde glaciem Mariæ appellasse. BER. Recte. Inuenitur autem apud nos subniger, qui satis lucidus non est, & candidus, qui maxime translucet. Vnde ex eo fenestras non aliter ac è uitro conficiunt, quales Mariburgi in templo quodam uetus cernere licet. AN. Hoc idem scribit Albertus, loco tamen plumbi quo uitra firmantur, ligna leuigata ponit dicit. BER. Ita est. AN. Scribit præterea magnam eius copiam in Germania se uidisse, ut plaustra inde onerari possent. Deinde in Gallia unà cum gypso inueniri ait, ut sit summum quiddam gypsi. BER. Recte Albertus. Sed ipsum nucis auellanæ quantitate nostri cum è dysenteria laborant, conterere solent ac in unum austernunt conijcientes epotare, atq; ita multi à morbo liberantur. AN. Quanquam cognitionem cum gypso habere uidetur, tamen eo etiam Arabes tum sanguinis sputum cohibent, tum menses fistunt, tum deniq; dysenteriam curant. NAE. Dioscorides quidem sanguinis profluvia gypsum compescere tradit, sed potum strangulatione perimere, nec Galenus in potionē dedisse uidetur, sed emplastrum ex ipso & albooui, poline tritici, atque pilis leporinis cōficerere docet, quod sanguinem supprimit. BER. Securius igitur lapis specularis ex uino bibitur. Nam nemini hactenus ipsum nocuisse multis profuisse audiui & uidi. NAE. Experiemur olim. Sed quia minium rubri, ut Sandaraca, coloris est, inuenitur ut Plinius scripsit, in argenta rījs me-

rijs metallis? BER. In Germania in his inueniri non  
scio, sed suam uenam habet. NAE. Cognoscis ne id= ipsum,  
quod tanti precij apud Romanos fuit? BER.  
Cognosco, et credo me hic habere. NAE. Habesne  
uenam minij, ostende eam nobis obsecro. BER. Vi=  
dete. NAE. Plinius nunc uenam minij, nunc minium  
appellat. BER. Lapidem etiam. Atq; hic, ut uides,  
lapidis fibilis generi ita adhæret, ut innatum uideri  
possit. NAE. Vbi nam lapidem nominat? BER. His  
uerbis, quæ ante quoq; dixi. Est et lapis in ijs uenis,  
cuius uomica liquoris æterni argentum uiuum appella= latur. Vitruvius autem Anthracem dici scribit, et  
bene sanè, nam prunæ uena similis est. Quod si uobis  
molestum non est uerba ipsius, quæ me credo memo= ria tenere dicam. NAE. Minime. BER. Ingrediar  
nunc minij rationes explicare, id autem agris Ephes= siorum Cilbianis primum memoratur esse inuentum,  
cuius et res et ratio satis magnas habet admiratio= nes. Foditur enim gleba, quæ ἄνθραξ dicitur ante= quam tractationibus ad minium perueniat. Vena uti  
ferreo magis subruffo colore, habens circa se rubrum  
puluerem. Cum id foditur, ex plagis ferramentorum  
crebras emittit lacrymas argenti uiui, quæ à fosso= ribus statim colliguntur. Hæc Vitruvius. NAE. Mul= tas certe res ob coloris similitudinē ἄνθραξ Græ  
ci nominarunt. Nam minij uenam, ut uerba Vitruvij  
declarant, gemmam nobilissimam, quam Plinius inde  
Carbunculum, uulgas eius genus, longe præstans o= mnibus rubore et fulgore, Rubinum uocat. Terræ  
genus, cuius scriptores rei rusticæ mentionē fecerunt.  
Præterea quartum quiddam, quod Theophrastus

bis uerbis exposuit. Quos autem mox carbones uocant in eorum numero, quæ propter usum fodiuntur, habendi, terreni sunt. Exuruntur autem & igni ascenduntur quemadmodum carbones. Sunt uero circa Liguriam, ubi & electrum, atq; in Elide quâ itur ad Olympia, ea quæ per montem est uia, quibus & æra rij utuntur. B E R. Non exprimit colorem? N A E. Non, ego carbonis esse crediderim. B E R. Extinctio ne an ardantis? N A E. Nescio quid ita rogas? B E R. Quia genus quoddam reperitur sic terræ calore excoctum, ut atrum & leue sit perinde ac carbo, attamen pingue, quo fabri ferrarij multis iam annis per totam fere Misenam, carbonum loco utuntur. N A E. Sentio tecum, & quod Græci tam carbones quam prunæ & vθρακæ appellant, & quod dicis nostros fabros ferrarios, ut Theophrastus ærarios, ipsis uti. Sed quo nam loco fodiuntur? B E R. In monte quodam, qui inde nomen habet, prope Zuiccam sito. N A E. Vrbémne illam ad Muldam? B E R. Eam ipsam, quam cum olim à ciuib[us] suis ob crebras inundationes desertam Henricus imperator illius nominis tertius, uidisset, ciues instaurare & mænia eius ampliora facere iussit. Sed altero anno rediens cum urbē strictiorem, quam fieri iusserat conspiceret, indignatus Saxonico sermone, quo utebatur, in hanc sententiam dixisse fertur: Vrbem concidisti, atq; hinc, ut in quibusdam annalibus Cicensibus legitur, sic appellata fuit, cum antea Suanfeldia ipsi nomen esset, ad quod sanè Erasmus Stella, qui celebris nostra æta te medicus fuit, mihi uidetur respexisse, quando ipsam Cycnæam appellauit. N A E. Ibi magistratum gerit

rit Laurentius Ursinalius, quem doctum & ex philosophia nobilem & clarum Lutetiae nobis remiserunt.  
BER. Noui uirum optimum. Sed horum carbonum fodinæ cum nobis adhuc pueris accensæ essent, mons non aliter ac olim Aetna aut Vesuuus arsit atque flamas euomuit, ut urbi etiam, quæ tamen ad tertium fermè lapidem abest, timorem incuteret. AN. Audiuimus ea de re. NAE. Ego carbones sæpe uidi. Nostri etiam ita appellant adiecto lapidis nomine, quasi discas Graece λιθόνθρακας. Theophrastus uero dicit, & melius forte quia ita leues sunt ut aquæ innatent, quod uidetur terræ esse excoctæ & rarae.  
BER. Λιθώδεις igitur dicerentur potius, qui in Leodiensi agro fodiuntur satis graues. Miror uero Plinium habæc, quæ tu modo retulisti, ex Theophrasto non excerpisse. NAE. Nec minus ego, sed dimittamus atrum colorem, quo lugentes uti conuenit, & redeamus ad rubrum, quo Romani triumphantes, & Aethiopes dies festos agentes usi sunt. BER. Ad id uel hodie Aethiopes inter cætera minium facticium, ut mercatores narrant, expetunt. Tincunt enim hoc ipso faciem, uel, ut Plinius, se totos proceres. NAE. Quo modo uero minium à Sandaraca differt: utrumque enim rubet. BER. Hoc, quod ex minio, siue iam elaborato, siue rudi, quod ex Plinius nouit, conficiatur argentum uiuum, quod è Sandaraca fieri non potest. Imò dum lauatur uena minij, ut postea teratur, quum primum humorem hauserit pars ipsius in argentum uiuum mutatur, quod ego nuper expertus sum. Id rursum ficcatum & contritum redit ad suum colorem.  
NAE. Quam rationem minij conficiendi sequeris?

E 5

BER.

72  
GEOR. AGRICOLAE

BER. Eam quam Plinius his uerbis explicat. Optimum uero supra Ephesum Cilbianis agris, barenam cocci colorem habere, hæc teri, deinceps lauari farinam, et quod subsidat iterum lauari. Differentiam artis esse quod alij minium faciant prima lotura, apud alios id esse dilutius, sequentis autem loturæ optimum.

NAE. Hæc minij Ephesij quod ex barena quadam rubra primus Callias fecit, conficiendi ratio est, quæ Plinius è Theophrasto, ut multa alia transcripsit. Natuum uero, sic potius appellare mihi placet, quæ medicum, quia et Theophrastus αντοφυει dicit, quod tu picturæ gratia conficis, tum Dioscorides, tum Vitruuius præter loturas coqui in fornace scribunt. Plinius quoq; inquit, Sisaponensibus autem miniarijs suæ uenæ barena sine argento excoquitur. Et tuum coqueres, crederem purius omnino futurum.

BER. Non coxi haec tenus, et tamen optimi coloris fuit, quod tibi nihil mirum videbitur, si aliquando, quod facile poteris, purissimum in nostris miniarijs metallis conspicies. Timui certe, ne uasis in quibus coqueretur apertis, aliqua eius pars propter uim igniū euolaret: obstructis, totum in argentum uiuum, quod hic fieri nolumus, uenteretur. Experiar tamen olim quia ueteres sic fecisse constet. NAE. Lento igne coques. Sed quo nam loco sunt miniaria metalla? BER. Non procul hinc Schonbachij, quod est ad Egram, sub ditione comitis Alberti Sliconis, qui nepos est Casparis illius clarissimi uiri, cuius AEneas Sylvius saepem mentionem fecit, atq; is ipse Slico trium Imperatorum libellis fuit. NAE. Sed aliud nunc memoria repetto, quod etiam literis est proditum. BER. Quid est?

NAE.

NIE. Illud  
do, utar  
BER. Hi  
sed prof  
qui in ar  
difficile  
Dacri  
liverum  
remissa  
AN. C  
ig...  
p...  
gl...  
gl...  
corg...  
nacion  
fodiati  
r... facio  
inter c...  
marina  
tadjiem  
capidam  
Vil...  
dol...  
al...  
ver...  
ran...  
tam...  
C...  
estrid...  
v...  
M...  
fig...

NAE. Illigas ne faciem laxis uescis, ne in respirando, utar Plinij uerbis, exitialem puluerem trahas?

BER. Huc usque parum confeci, nec uescis usus sum. Sed profectò hæc illigandi ratio salutaris esset nostris qui in aridis fodinis laborant. Nam hi hausto puluere difficultate anhelitus et tabe pereunt, maxime in Dacicis metallis, quæ nostri etiam fodiunt, ut ibi mulierem inuenias, quæ septem nupserit uiris, quibus omnibus ista tabe confectis, mors immatura accidit.

AN. Quid in causa est, quod hodie uerum minium ignoramus: cum olim magni usus fuerit, et nunc esse possit in pictura? BER. Hæc potissimum quod Chymistæ facticum in ipsius locum substituerunt, quod ex argento uiuo et sulfure conficiunt. Ego malim uti nativo, nam pulcerrimum illum ruborem sulfuris fœditate nonnihil corrumpi arbitror. Appellant uero facticum Cinnabarim. NAE. E Græcis quidam, inter quos est Theophrastus, etiam uerum illud minium non αρμίον, sed κιννάβαρι ob coloris similitudinem nominant. BER. Dioscorides scribit falso quosdam existimasse minio eandem Cinnabarim esse. Vidi stine ueram Cinnabarim? NAE. Vidi Venetijs duplex genus eius quod sanguinem draconis uocant, alterum ita rubebat, ut Sandaraca uel minium. erant uero glebae quædam non perinde magnæ, quod ueram Cinnabarim cum Leoniceno esse credo. Nam tam pictores, quam medici ipsa utuntur, quod in picturis proprie sanguinem, ut Plinius ait, reddat, et antidotis medicamentisq; utilissima sit. Præterea non minus chare quam olim uenditur. Alterum atrum in globi figuram formatum, compressi tamen et non asurgentis,

surgentis, quod adulterinum dubio procul est, cuius  
rei indicium nimius lensor. Videntur enim gumæ que-  
dam admixta uerae Cinnabari, cuius adhuc aliquæ  
particulas conspicere licet, id ubiq; medicamentarij  
pro uera uendunt harum rerum ignaris. BER. Scis-  
ne quid uera illa Cinnaberis sit? NAE. Variæ sunt  
sententiæ. Plinius dicit esse saniem draconis elisi ele-  
phantorum morientium pondere, permixto utriusq;  
animalis sanguine, cui Solinus assentitur. Contrà, me-  
dicorum chorus fortiter reclamat, afferens commen-  
tum esse mercatorum. Leonicenus autem metallicum  
quiddam esse censet. nec video quo alio argumento  
quam quod eius mentio inter metalla facta sit, cum i-  
pse Dioscorides quid non sit, dicat. Quid uero sit, tan-  
quam non satis cognitum, taceat. Arabes uero succum  
esse, ut tu Ancon optime nosti, uolunt, & Serapio  
quidem Sideritidis Achillæ. Quod si uerum esset,  
Dioscorides, qui eam herbam diligenter descripta  
ut Leoniceno uidetur, non tacuisse. Ego cum loquor  
de re cuius ortus locum nec ipse uidi, nec aliquid certi  
de eo accepi malo sustinere assensionem, quod Dioesco  
ridem, Galenum, & alios fecisse video, potiusquam  
aliquid dicere, quod posteri, ueritate comperta, meri-  
to irrideant. BER. Probe facis. Sed dic Ancon, cui  
sententiæ tu assentires. AN. Arabum. Succum enim  
esse siue lacrymam arboris gustus ipse indicat, &  
mercator quidam, cui si lubet credite, mihi retulit  
in Lybia & finitimis regionibus arborem à se uisam  
satis proceram, ex qua sanguis draconis manaret,  
perinde atq; in Rhetis è larice resina, quam medica-  
mentarij etiam Itali pro Terebinthi resina uendunt.

NAE.

XAE. VI  
in magis  
colore sim  
dibū cō  
ex raddi  
effici  
nus flui  
licet  
dicam  
quid c  
natur  
aliqua  
in scru  
os dico  
genuis  
brilia, q  
quid T  
pungere  
inter na  
ent. Tu  
Dioscor  
quidem  
filius  
quidem  
deducit  
los re  
sancti  
terea  
vifidit  
tan fugu

NAE. Veræ Terebinthinae paruam massam presam magis quam altam Venetijs uidi Mastiche Chicæ colore similimam. BER. Posidonius scripsit in Gadibus esse arborē, ex cuius ramo defracto lac effluat: ex radice scissa, succus rubricæ colore. quid si eadem esset illa Lybica, & hæc Gaditana? NAE. In id genus stirpes inquirant Hispani. nos redeamus ad metallica. BER. Non exigetis à me, opinor, ut iam uobis dicam, quomodo minium adulterinum, non illud dico quod Cinnabarinum appellant, sed quod hodie solum minij nomen retinet, è plumbō conficiatur, & tertii genus quod fit in argentarijs & plumbarijs metallis exusto lapide quodam in uenis reperto, de quo Plinius scripsit. Nam hæc alio tempore longè commodiū dicentur. NAE. Omittamus igitur ipsa, & pergamus. Rubricáne in Germania reperitur? BER. Fabilis, quæ fossilis apud nos est, & ex ochra usta fit quod Theophrastus & Dioscorides scripserunt. Plinius uero negligentia quadam inuertit. Sed reperitur inter nativas insignis quædam, de qua aliâs dicendum erit. Tu nunc si quid de Sinopide habes, dicas. NAE. Dioscorides, ut scitis, rubricam Sinopicen eligit eam quæ densa est, grauis, iocinoris colore, non calculosa, sibi concolor, & copiose cum diluitur se diffundens, qualem mihi Baptista Opizo Venetijs ostendit, & dedit è Bizantio aduectam. Non autem erat in pastillos redacta, quemadmodum Manardus ipsam à se uiam scribit, sed glebæ quædam erant. Pastillos præterea ibidem uidi, ex eadem urbe portatos coloris fere fului, & literis Turcicis signatos, quos ob id terram sigillatam appellant. quinetiam Lemnia illa ter-  
ra olim

ra olim imagine capræ signabatur. Certe Lemnus  
 insula in qua fodiebatur, non longè à Thracia abest,  
 & in eam Turca etiam imperium obtinet, quare faci-  
 le Bizantium portari posset. Quod si color minus  
 quam debet rubricæ uidetur conuenire, cogitemus i= psum cum terra diluitur, ut in pastillos cogatur, non= nihil posse mutari, deinde profundius fodi, atq; ita mi= nus calore aduri. Turcæ eam unicum pestis remediū esse afferentes, ita magni aestimant ut alter alteri mu= neris loco ipsam donet, id quod mihi retulit Ambro= sius Fibianus amicus noster, uir sanè probus & face= tus, qui cum proximo anno Bizantium nauigasset ad inquirendum, Stephanus Slico à Turcisne captus, an in prælio occisus esset, aliquot illius pastillos secum at= tulit, qui Venetijs etiam paucis cogniti care uendun= tur. AN. Arabes maximam uim pestis curandæ ad= scribunt glebæ Armeniæ. NAE. Id ipsum ex senten= tia Galeni, qui ita de terra Armenia scribit: In hac magna peste quæ similis fuit ei, quæ Thucydidis tem= pore graffata est, omnes qui hoc medicamen biberūt, breui curati sunt. Quibus autem nihil profuit, omnes mortui sunt, nec aliquo alio medicamine curari potue= runt. Ex quo perspicuum est, quod solum desperatis nihil profuit. Bibitur uero cum uino tenui, modice mi= xto, si sine febre fuerit homo, aut parum febrierit: cù aquoso autem, si multum febrierit. Nec tamen pesti= lentes ipsæ febres uehementer calent. Hæc Galenus, qui colore pallidam esse tradit. Quare nec ipsa mul= tum huic terræ sigillatæ dissimilis est, nisi quod sigil= lum ei impressum fuisse nusquam legatur. Vtra tan= dem fuerit non magni referre puto, easdem enim pe= ne uix

nè uires habere scribuntur. BER. Bizantij inqui-  
rendum esset an è Lemno adueheretur an ex Arme-  
nia Sinopen, atque inde in Thraciam deportaretur.  
NAE. Turcarum rabies in cauſa est, quod pauci Bi-  
zantium nauigent. BER. Spero Deum optimum ma-  
ximum eam mentem daturum duobus nobilissimis &  
potentissimis fratribus Carolo Imperatori, & Fer-  
dinando regi, ut rebus cum Francisco Galliarum re-  
ge compositis omnem belli motum in Turcam uer-  
tant, quo ex Europa expulso tam facile nobis erit per  
Danubium in pontum delabi, atque inde quolibet na-  
uigare, quam equites in Italianam ire. NAE. Non du-  
bito futurum, Christiani modo principes concordes  
sint. BER. Principum esset interea mercatores insti-  
gare, imò ipsis imperare, ut illas, de quibus nunc dixi  
ſti, ad nos afferrent. Quæ etſi primo magno precio  
uenderentur, postea tamen cum plures eandem mate-  
riam adueherent, facile precium, ut fieri solet, decre-  
ſceret. NAE. Vereor mi Bermanne ne principes mo-  
lestissimis & turbulentissimis his temporibus occupa-  
tiores sint quam ut de huiuscemodi rebus cogitare  
poſſint. BER. Fateor, sed medici quos magno sumtu  
fouent, quosque ualeſtudinis ipsorum curam imprimis  
gerere oportet, eos monerent. NAE. Bene dicis, at  
maiorem partem omnibus iſtis aut nihil praeter lucrum  
dulce est: aut ſi quid praeterea curant, contorta quæ  
dam sophismata malunt necere, potiusquam materia  
ſinceram, qua feliciter morbis mederi poſſent, con-  
quirere. Committunt uero harum rerum curam medi-  
camentarijs indoctis: at q; ita illorum negligentia &  
peruerſitate, horum inertia & inſcitia fit, ut non mo-  
do hæc

do hæc terrarum genera uera non habeamus, sed etiam in herbis neq; dictamnum, neq; melilotum, neque scordium, ac pleraque alia quibus frequentissime uti consueuimus. Quid quod multorum, quæ ueteres sum mis ob præstantes uires laudibus extulerunt, usus ita plane perijt, ut uix per somnium eorum recordemur? Nihil opus est aliò diuertere, respiciamus ad ea solū, quæ tu nunc nobis ostendisti. Cui iam multis annis atque adeo seculis nota fuit molybdæna? cui pyrites? quotusquisq; Chrysocollam cognoscebat? aut ochræ? aut minium, cum tamen ipsa non raro suum in medendo habeant locum? Sed quod peius est, plerique ipsum non solum talia non curant, sed eos etiam qui curant irridere solent, simplices esse dicentes qui student simplicibus. BER. Eant in malam crucem isti. AN. Merito. Quis enim unquam accepto luto è uia, lignis marcidis, lapidibus mollibus & barenoſis ædificium firmum & stabile extruxit? calx requiritur quam optima, ligna electa & suo tempore cæsa, saxa durissima, ut fundamentum & artificium taceam. Stulti igitur nostri mihi uidentur, qui ex uiliſſima & nullarum uirium materia medicamentum aliquod efficax se confidere posse sperant. Opus est medicinis leuiſſimis nec minus conficiendi artificiosa ratione & diligenti. BER. Vos igitur contemtis istis medicis pergit ut cœpistis, res quibus indigetis diligenter inquirere. NAE. Faciemus idq; exemplo Galeni medici omnium præstantissimi, qui nauigauit in Lemnū, ut quantum sanguinis hircini, quod Dioscorides fieri scripsérat, terræ illi misceretur, intelligeret atque ex eo coniiceret uires. Qui in Cyprum se contulit, ut ibi metalla

metalla conspiceret. Qui deniq; profectus est in Cœ-  
len Syriam, quæ Palestina pars est, ut Bitumen &  
quædam alia uideret. Valeant igitur isti, & latrent  
quantum uelint. Sed potesne terram nigrā nobis in-  
dicare? BER. Nostram quæ eruitur è proxima fo-  
dina, cui Aries nomen, & ipsi uicinæ quæ Sciurus ap-  
pellatur. AN. Eamus ergo ad eam uisendam. BER.  
Eamus ocius, parum enim diei superest. Hæc est no-  
stra terra nigra, non tamen pñigitis. NAE. Vere ita  
appellas, nam nigerrima est. BER. Ipsa interdum  
argenti aliquid in se continet, tūmq; argentum rude  
nigrum appellari diximus. Quæ uero melanteria dia-  
cta fossilis in Cilicia & alijs quibusdam locis reperi-  
tur coloris, ut Dioscorides dicit, sulfurei, aquæ conta-  
ctu nigrescens, apud nos, quod sciam non est. Terræ  
autem albæ genera sicca perraro in metallis reperiu-  
tur, sed suis locis effodiuntur unde et nomina habent.  
Argillæ uero candidæ sæpe, quæ siccatae aliquem in-  
pictura usum præbere possent. Est præterea quiddam  
aliud in uenis candidum medullam referens, quod no-  
stri idcirco medullam saxi uidentur appellasse, quod  
hic conspicere licet. NAE. Videtur esse medulla os-  
sis alicuius animantis. Non ineptè lapides oraculo  
Delphico, ossa matris dicti sunt, cum medulla in ipsis,  
quemadmodum in ossibus reperiatur. BER. Fluida  
ferè est, nec sic tenacis pinguitudinis ut argilla, quan-  
quam interdum exiccata & dura inuenitur. Sed re-  
grediamur, si placet, nam alia uobis indicabo. NAE.  
Interea temporis dum breue hoc iter perficimus, di-  
cas rogo, reperiturne Stibi in fodinis metallicis &  
BER. In his argentarijs reperiri non scio, sed Persi-

F branae,

brancæ, ita interdum est cum argento permixtum, ut non nisi uis ignis separetur. In proprijs uero uenis per magna ipsius copia est, cum in alijs locis tum Fichtenbergi, in quo monte hi fluuij Mœnus, Sala, Egra, Na bus oriuntur, & Planæ oppido Boëmicæ, quod ad quadragesimum lapidem hinc distat. NAE. Non ergo aliundè petendum est. Præ omnibus autem uidere cuperem Chalcitida quæ æris, Mysi quod auri, Sory quod Melanteriæ ferè colore esse traditur, quod ipsi Galenus frequentissimè in emplastris utatur, nec minus alij ueteres: erant uero olim in Cypro laudatissima. BER. In ærarijs puto metallis. NAE. Recte. BER. In argentarijs ipsa non uidi, forte & in nostris ærarijs inuenirentur, cum proximè in patriam meam rediero omni diligentia scrutabor. NAE. Illud uobis dicam. Venetijs atramentum sutorium Cyprii, reliquis enim præfertur, emi, quod aliqua ex parte in Mysi mutatum fuit, idq; uel hodie domi meæ habeo, quod tibi Bermanno breui mittam. Illa enim mutatione uisa, facile ipsum in metallis nostris ærarijs, si modo in his est, inuenies. BER. Facies mihi rem gratam. NAE. Nec tamen sum nescius, Galenum scribere de atramento sutorio, huius medicamenti permultum mecum è Cypro attuli, cuius pars exterior post uiginti fermè annos Chaleitis facta fuit, cum interior adhuc sit atramentum sutorium. Quapropter in hunc diem adseruo id ipsum, quod ita mutatur, obseruans quomodo in imum hæc transmutatio singulis annis procedat, ut Chalcitidis in Mysi, ut dictum est. BER. Mit tas rogo. sed iam propè Gairicam uenam sumus. AN. Vnde hæc nomen reperit? BER. Ex oppidanis Gai ri,

ri, qui primi inuentores fuerunt, quique partes quam plurimas in capite fodinarum huius uenae habuerunt.  
AN. Quid caput fodinarum appellas? BER. Quæ parte primo uena detegitur, caput fodinarum nomine. Nam ab eo, ueluti ab initio quodam, metallici reliquias areas tam supernas quam infernas metiri solent.  
AN. Quæ longitudo capitis est? BER. Duas et quadraginta orgyas complectitur. Demensum uero quodque octo et uiginti, deducta tertia parte. Quæ capiti in gratiam primi inuentoris adiecta uidetur fuisse, ut hoc quasi præmio reliqui metallici ad nouas uenas perquirendas instigarentur, atque is ferè semper modus fodinarum esse solet. Ingrediamur nunc casam.  
AN. Fiat. BER. Huius fodinæ cura mihi commissa est. AN. Quod est officium tuum? BER. Singula quæ uel ex symbolis, uel effoßis metallis recipiuntur, aut in fodinam et operarios expenduntur, in tabulas accepti et expensi referre, ac de his omnibus magistro metallicorum et duum uiris iuratis rationem reddere. Posset autem in eiusmodi officio constitutum praefectum rationibus appellare. Sunt uero uaria officia inter metallicos, sunt leges et decretta. Quid plura? Respublica quædam ipsis est bene constituta. Sed egrediar et uocabo praesidem fodinæ, qui in proximo hoc domicilio habitat, ut quædam nondum uobis uisa afferat. NAE. Postquam ille exiuit dicam Ancon quod sentio, nihil mihi in uita gratus factere potuisses, quam quodd huius amicitiam mihi conciliaueris. Non possum non uehementer admirari, uel potius multum amare uirum, qui tanto studio et diligentia res ipsas, non nomina tantum, quod plerique factere

cere solent, inquirit. Qui quæ uerè inuenta dicere posses, non temere asserit, tātum abest ut rem ullam, quæ dubia & incerta sit, nūmis etiam affirmet. Qui de niq, quod omnium maxime miror, ea quæ magno labore inuenit, alijs facilimè & diligentissimè explānat, ac minime, qui non paucis mos est pessimus, inuidentia quadam tanquam mysteria & arcana celat. AN. Recte dicas. Nam & mihi studio ueri inueniendi etiam ardere uidetur, neque quicquam nisi certa eius īdicia sint, asseuerare. Præterea animo quām maxime candido esse. Sed reuertitur nunc, ac nescio quid noui apportat. Quid hoc uero d' est Bermanni? BER. Lapiðes sunt gemmarum similes, sed minus duri, fluores, liceat mihi uerbum ē uerbo exprimere, nostri metallici appellant, nec meo iudicio inepit: siquidem ignis calore, ut glacies solis, liqueſcunt & fluunt. uarij autem & iucundi colores eis insident. NAE. Hos Theophrastus ἐκ συζήσης, id est confluxu in terra fieri diceret. Rubriſti fluores, utar nunc uerbis tuis, sunt argentum rude rubrum, quod ante nobis īdicaſti. BER. Primo quidem aspectu ita uidetur, non tamensunt, quanquam translucidi non raro existant. NAE. Carbunculi ergo sunt. BER. Ne hi quidem. NAE. Quomodo ergo à Carbunculis internosci posſunt? BER. Hac potissimum nota, quod perspicui languidius res fulgeant. Qui uero non translucent, uel eo ipso à carbunculis distinguuntur. Præterea omnis generis fluores quām primum ignem senserint, diffluunt, Carbunculi igni non liqueſcunt. NAE. Bene diſcernis. BER. Aliud genus uidete colore purpureo dilutiori. NAE. Amethysti uidentur esse uiliores, quales

quales in Boëmia plerisq; in locis reperiuntur. BER.  
Certe non multum dissimiles eis sunt, quare uulgo,  
quod non bene Amethystos nouit, pro gemmis annulis  
insertis facile uendi possunt, & uenduntur. Tertium  
genus, ut h̄ic cernitis, colore est candido. NAE. Cry-  
stallos crediderim. BER. Quartum lutei coloris  
est, quintum cineracei, sextum subnigri. AN. Quis  
uerò usus fluorum est? BER. Dum metalla excoquun-  
tur adhiberi solent, redundunt enim materiam in igne  
non paulo fluidiorem, perinde ac lapidis genus, quod  
è pyrite confici diximus: conficitur uerò non longe  
hinc Breitenbroni, quod prope Suarcebergum est.  
Ex fluoribus præterea colores, quibus pictores utu-  
tur fieri possunt. Sed descendamus rursum, proxime  
fodina est cui nomen Verona, ibi uobis Cobaltum o-  
stendam. NAE. Illudne cuius dum de pyrite loque-  
remur mentionem fecisti? BER. Id ipsum. An con-  
nunc ita præcurrat, ut ipsum uix assequi possumus,  
qui tamen cum ascenderemus montem tardus admo-  
dum erat. Contrà quām generosi equi facere solent,  
qui festinanter ascendunt, pedetentim uerò descen-  
dunt. NAE. Crassus est, atq; ob id grauis. Grauia  
autem sua ui & sua natura deorsum feruntur, quam-  
obrem nihil mirum. AN. Profectò si isti montes sœ-  
pius scandendi essent, multum mihi pinguitudinis su-  
dore adimeretur. BER. Hic tumulus è fodina ipsa  
egestus est. NAE. Mons est, certe quemadmodum  
Poëtæ ferunt, Gygantes Ossam Pelio imposuisse, ut  
ascendentes Iouem de caelo deturbarent, ita metallici  
montem monti imponunt, ut alterius fratribus, nempe  
Plutonis aulam expugnant. Iam & fulmina ipsis ti-

menda sunt. B E R. Imò pestilens aura quam miseranda  
dum in modum pereunt, aut ruinæ quibus penitus  
quam Gigantes obruuntur, sed ascendamus. AN. Ite-  
rum mihi sudandum est. B E R. Hoc genus metallici  
Cobaltum, liceat mihi nunc nostris uti, uocant: Græ-  
ci uerò Cadmiam. Succi autem ex quibus pyrites &  
argentum fiunt, uidentur concreuisse in unum cor-  
pus: atq; ita id natum esse, quod Cobaltum appellant.  
Sunt qui idem cum pyrite esse censem, quod eadem fe-  
rè insint. Sunt qui specie, quod mihi placet, distin-  
guunt. Nam insignem persæpe corrodendi uim ha-  
bet, ut manus & pedes operariorum, nisi bene sibi  
caueant, exedat, quod pyriten efficere posse non sci-  
mus. Tria autem eius genera colore potius quam alia  
quapiam re distincta reperiuntur. Nigrum, cinera-  
ceum, & quod ferri colore est, quodcunq; ex his fuc-  
rit plerunq; argento magis quam pyrites abundat.  
AN. Varia genera saxi hoc loco conspicio. B E R.  
Omnino. Atque hic primum uides saxum fissile colo-  
re quasi cœruleo, quod aliquando nigrius, aliquando  
albidius esse solet. Alterum genus hoc est, quod in-  
terdum perspicuum uidetur esse, quarzum nostri uo-  
cant, modo candidissimum, modo subluteum, modo  
subcæsum. Tertium spatum appellant, quod poli-  
tius & densius est. Quartum ut plurimum longe du-  
rißimum est, quod ex cornu cuius colorem non raro  
referre uidetur, nominatum, Latini silicem appel-  
lant. Partes autem eius sœpe adeo continuatæ sunt,  
ut unam ab altera uisus discernere non possit, aliqua  
intersectione conspecta. Quintum harenosum nomi-  
nant, quod ex harena quodammodo concreuerit. Sunt  
autem

autem alia complura genera in fodinis aerariis potissimum inuenta, quae hoc loco uobis indicare non possum. Reperiuntur uero omnia ista tam in pendente quam iacente uenae, atque nonnulla etiam in uena ipsa. Sed quoniam aduersperascit, nunc domum redimus. NAE. Puer tu haec quae tibi modo seruanda dedi, ne perdas, etiam atque etiam uide. Nam diligenter domi mihi per oculum consideranda erunt. Sic olim in Italia saepe mecum herbas, saepe pisces domum ferebam. Quemadmodum enim in hac ualle Bermannus diligentissime metallica obseruat, ita Patauij Dominicus Zeno herbas: Venetijs Franciscus Massarius, pisces. AN. Cuperem etiam officinas in quibus metalla excoquuntur inspicere. NAE. Et ego. Siquidem in his recrementum argenti, Lithargyrum, mobiliter dñam alteram et pleraque alia nobis cernere licet. Etsi cras abire omnino constitui, tamen si Bermannus nobiscum ad eas ire uoluerit, manendum mihi puto. AN. In hoc quoque morem nobis geras Bermanne, si sine tuo incommodo detrimentoque fieri potest. BER. Nihil est quod uestri caussa non faciam. Descendamus cras, mane uero surgendum nobis est, nam circa Gallicinum excoctores in opere esse solent. NAE. Satis mane surgemus, imo si opus erit totam noctem uigilabimus. BER. Puerum mittam, qui uos cum tempus erit accersat. Si Agricola non abesset, nihil ipsi potius fuisset, quam ut nobiscum iret ad officinas, quas saepe inuisere solet. NAE. Incommodo accidit illum nunc abesse. Sed quia for-

tuna eum nobis inuidit, tu eius uicem suppleas. BER.  
Res ipsas iam inde à puero mihi cognitas uobis ostendam,  
nam & pater meus metallicus fuit, & du-  
cum Saxonice decumanus. Nomina autem si  
ego non possum, uos ut apta & latia  
na ipsis imponatis rogo. Iam ue-  
ro ualete. NAE. Et tu

Bermanne mulo

tum ua-  
le.



RERVM

RERVM METAL  
LICARVM APPEL  
LATIONES IVXTA  
uernaculam Germa  
norum lin  
guam.

<b>A</b> es purum	Gedigen Kupffer.
Alueus	Trogt.
Argentum quod statim est suum. quod sine opificio fornacum suum est. quod purum in Venis reperi tur. quod sine excoctione tale est. quod tale ortu generatum est	Gedigen silber.
Argentum rude	Silber ertz.
Argentum rude rubrum	Rodt guldens ertz.
Argentū rude plumbei coloris	Glaß ertz.
Argentum rude nigrum	Schwartz ertz.
Argentum rude purpureum	Braun ertz.
Argentum rude Cineraceum	Graw ertz.
Argentum de sua mole aliquid deperdit, dum exco quitur	Dem ertz gehet et was ab im schmeltze.
Argentum uiuum sui colo ris uel purum	Gedigen quecksilber.
Argilla	Than.
Auripigmentum	Auripigment.
Anthrax, sive Vena minij	Quecksilber ertz.

## VOCABULA

<i>Aura pestilens</i>	Schwaden.
<i>Bisemutum sue Plumbum cinereum</i>	Zoismut.
<i>Cadmia foſilis metallica</i>	Cobald.
<i>Cæruleum, κύανον</i>	Lasur.
<i>Canales uenarum</i>	Genge.
<i>Caput fodinarum</i>	Fundgrube
<i>Carbones foſiles Αιθάνθρακες</i>	Stein kolen.
<i>Casa</i>	Kaw
<i>Carrus</i>	Karren.
<i>Carris quod extractum est euehere</i>	Mit den Karren lauffen vnd drecten.
<i>Chrysocolla</i>	Bergkgrün, Schiffer- grün.
<i>Cuniculus</i>	Stoln.
<i>Cuniculum in montem agere</i>	ein Stolntreiben
<i>Dæmon metallicus</i>	Das berckenlin.
<i>Declive montis</i>	Das geheng des ge- birgs.
<i>Demensum</i>	Mafz
<i>Duumiri iurati</i>	zwen geschworne die ein gebirg befahren.
<i>Excoquere</i>	Schmelzen.
<i>Ferrum purum</i>	Gedigen eisen.
<i>Fibræ</i>	Klüffte.
	Fibra

<b>Fibra transuersa</b>	ein kreutzklufft.
<b>Fibra obliqua</b>	ein querklufft.
<b>Fibra q̄ se uenis paulatim iungit</b>	ein schörtlufft.
<b>Fibra quæ uenis incumbit</b>	ein hengtlufft.
<b>Fluores</b>	Flüsse.
<b>Fodina</b>	Grube oder zech.
<b>Fodinam colere</b>	ein Zech bauen.
<b>Descendere in fodinam</b>	Einfaren.
<b>Fodinam, quantumuis argento diuitem, propter dæmonem metallicū relinquere</b>	Ein zech des bergamen lins halben ligen lassen.

<b>Fossa</b>	Schurff.
<b>Fossum agere</b>	Schurffen

<b>Galena siue molybdæna. plübago</b>	Glantz vnd bleyerz auch bleischweiff.
---------------------------------------	---------------------------------------

**Gipsum** Gips.

<b>Tacens</b>	Das ligende
<b>Iurati</b>	Die geschworenen.

<b>Lapis specularis</b>	Vnser lieben fräwen eis
-------------------------	-------------------------

**Lapilli nigri** Zwitter.

**Ligo** Keilham.

**Lithargyrum** Glett.

**Machina seu instrumentum tractorium** Hafpel.

**Magister metallicorum** Bergmeister.

**Malleus** Bergthammer oder feustel.

Medulla

## VOCABULA

<i>Medulla faxi</i>	<i>Steinmargf</i>
<i>Metallum</i>	<i>Bergfwergf und me-</i> <i>tall.</i>
<i>Metallum gigni</i>	<i>Ertz wachsen.</i>
<i>Metallum inuenire, reperire</i>	<i>Ertz treffen.</i>
<i>Fodere</i>	
<i>Metallum Effodere</i>	<i>Ertz hauen</i>
<i>Eruere</i>	
<i>Metallum aliquod perfectum in suis Venis reperire</i>	
	<i>Gedigen ertz treffen</i>
<i>Metallum aliquod sub summo cespite inuenire,</i>	
	<i>Ertz am tag treffen.</i>
<i>Torrere</i>	<i>Rösten</i>
<i>Tundere</i>	<i>Puchen</i>
<i>Metallum Molere</i>	<i>Malen</i>
<i>Lauare</i>	<i>Waschen</i>
<i>Vrere</i>	<i>Brönnen.</i>
<i>Metallici</i>	<i>Bergkleut.</i>
<i>Metallici hi aura pestilenti perierunt</i>	<i>Diese hat der</i>
	<i>schwaden getötet.</i>
<i>Metallici hi ruinis interierunt</i>	<i>Diese hat der berg</i>
	<i>erschlagen.</i>
<i>Metallicæ rei operam dare</i>	<i>Bergfwerk bauen.</i>
<i>Metallicæ rei gnarus.</i>	<i>Metallicæ rei intelligentia</i>
<i>præstans</i>	<i>ein verstediger bergmä.</i>
<i>Mica</i>	<i>Glimmer oder latzen</i>
	<i>silber.</i>
<i>Minium natuum</i>	<i>Bergzinober</i>
<i>Minium facticum</i>	<i>Mennig</i>
<i>Modulus</i>	<i>Kobel</i>
	<i>Ochra</i>

Ochranatiua sive Sil.	Bergkgeel oder O- chrageel.
Ochra facticia	Bleigeel.
Officinae metallicæ, uel in quibus metalla excoquuntur	Hütten
Orga	Lachter.
Partes	Kückes oder teil.
Pendens	Das hangende.
Plumbum Candidum	Zibn.
Plumbum nigrum	Bley
Plumbum Cinereum	Swismuth.
Præses fodinæ	Steiger oder hüttmä.
Præfector rationibus	Schichtmeijster.
Puteus sive specus	Schacht.
Puteum aliquem inchoare	ein Schacht anfählen.
Puteum fodere, effodere	ein Schacht sincen.
Puteum ueterem instaurare	ein alte pinge geweldigen.
Puteus hic multū aquæ habet	Diese zech ist wasser nötigk.
Puteus hic in maxima altitudine aridus est	Diese zech hat in grosser teuffe nicht wasser.
Pyramis ædificiū sup puteū extructum	Ein koppel.
Pyrites	Kifs
Pyrites colore argenteo	Wasser kifs oder weifser kifs.
Pyrites colore aureo	Geel kifs oder kupfer kifs.
Pyrites prorsus aurei coloris	Ein kifs der gantz einz farb hat wie gold.
	Pyrites

## VOCABULA

<i>Pyrites colore galenæ similis</i>	Ein glantziger tiss.
<i>Pyrites cineraceus</i>	Ein grauer tiss.
<i>Recrementa metallorum</i>	Schlacken.
<i>Rubrica fabrilis nativa</i>	Bergkröttel
<i>Rubrica fabrilis facticia</i>	Röttel.
<i>Sandaraca uera</i>	Reuschgeel oder rose-
	geel.
<i>Sandaraca fossilis</i>	Bergkrodt.
<i>Sandaraca adulterina apud Plinium, &amp; Vitruvium.</i>	Rodte zur schmincke.
<i>Sandyx apud Dioscoridē</i>	Schiffer.
<i>Saxum fissile</i>	Hornstein.
<i>Saxum cornetum siue filex</i>	Sandstein.
<i>Saxum harenosum</i>	Spath.
<i>Spatum</i>	Schacht.
<i>Specus</i>	Zwergk
<i>Stannum</i>	Spiegelglas.
<i>Stibi</i>	Bergk gebewde.
<i>Structuræ subterraneæ</i>	Zubus.
<i>Symbolum</i>	Zubus geben.
<i>Symbolum dare</i>	Lochstein.
<i>Terminus</i>	Letten.
<i>Terræ lutoſæ, q̄ fragiles sunt</i>	Halde
<i>Tumulus è fodina egestus</i>	Gang.
<i>Vena, lapis, terra</i>	Ein reicher gang.
<i>Vena diues argeti. argeti ferax</i>	Geng aufrichten.
<i>Venas scrutari &amp; perquirere</i>	Das streichē des gägs
<i>Vene extensio</i>	Dz ausgehē des gägs.
<i>Vene caput</i>	Klüffte.
<i>Venarum fibræ</i>	Venarum

Venarium  
Vena que  
teriu  
Venaria  
Virgula  
Virgula


Venarum canales	Genge.
Vena quæ aliam uenam per transuersum secat, uel alterius uenæ træsuersa incurrit	Ein quergang.
Venulae idem quod fibræ	Klüffte.
Virgula diuina	Ruthe
Virgula diuina uenas querere & perquirere	Mit der ruten gehen.

F I N I S.









Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2009/A/2